



6

11-D

6



...subditum in prout  
...media particula  
...coniunctio in prout  
...contradictoria vero  
...El unde ha sunt con  
...eo est hincibilis equi  
...vero sunt contrad  
...est hincibilis equi  
...nte in utraq prout  
...latu p particula  
...ontraria ut equi  
...es vel loo o e hincibilis  
...stant terminis nu  
...ea et similia apping  
...negatione prout  
...narrari prout  
...fabulas

Quaestio 1a

Quae sint leges appositionis  
veritatis et falsitatis

Quatuor leges circa veritatem  
appositionum sunt, scilicet  
contradictoria est quod illa  
materia possunt esse multum  
causa est quia contradictoria  
ma appositio multum adin  
iunt et neit impossibile e  
esse et non se ita impossibi  
affirmari et negari de ead  
in contradictoria ut ait h  
ais aliquis homo dicitur

23  
26

6-11 D-6-

STEPHANI BALVZII TVTELENSIS,  
CANONICI REMENSIS,  
EPISTOLA

AD CLARISSIMVM ET ERVDITISSIMVM VIRVM  
SAMVELEM SORBERIVM,

De vita, rebus gestis, moribus, & scriptis

ILLVSTRISSIMI VIRI

PETRI DE MARCA  
ARCHIEPISCOPI


*Ex Herod. P.* PARISIENSIS. *Cardin.*

*Emin. Mi*



PARISIIS,  
Apud FRANCISCVM MUGVET, Typographum  
Regium, viâ Citharæ, ad Insigne Adorationis  
Trium Regum.

M. DC. LXIII.  
CVM PRIVILEGIO REGIS.





CLARISSIMO ET ERVDITISSIMO VIRO  
**SAMVELI SORBERIO**  
 STEPHANVS BALVZIVS TVTELENSIS  
 CANONICVS REMENSIS.

S. P. D.



**I**NTER multiplices rerum  
 humanarum casus, nihil nobis  
 accidere gravius potest, SOR-  
 BERI Vir Clarissime, quàm  
 eorum, qui nobis cari fuerunt, exitus;  
 quantumuis maturi & felices videri pos-  
 sint ob longam ætatem, gestos honores,  
 genus, diuitias, patriam incolumem,  
 & cetera felicium argumenta. Sunt  
 enim molles in calamitate mortalium  
 animi: faciliùsque toleramus ludentem  
 fortunam, quàm sæuientem. Sed is est  
 constitutus ordo in rebus humanis, vt  
 nihil perpetuum sit ac constans in hac  
 vita: neque frustra præstantissimus sa-  
 pientiæ pronuntiauit, dici neminem

A ij

## 4 DE VITA PETRI MARCÆ

posse beatum, quandiu inter mortales agit. Nos autem numeris omnibus infelices profectò sumus, amisso nuper Optimo Mecænate PETRO MARCA PARISIORVM ARCHIEPISCOPO; adeo vt nihil nobis reliquum esse videatur, quàm vt id quod superest vitæ, in lacrymis & mœrore transigamus. Hoc vno tamen nomine, quod ad me attinet, felicem me quodam modo fuisse existimauerim, quòd assidere valetudini ejus, fouere deficientem, satiari vultu contigit; & quòd suprema ejus mandata, vocèsque excepi. Scis enim, VIR ERUDITISSIMUS, hanc esse non minimam partem humanæ felicitatis, si quis præsertim ad virtutem & ad eruditionem contendit, in ejus penetrasse conscientiam, qui magnus vir & bonus existimatur fuisse citra omnem controuersiam. Sed intima illa quæ mihi cum tanto viro intercessit olim familiaritas, auget præsentem mœstitiam; dum mente repeto, quàm scitè ac doctè de omni re, quæcunque in disceptationem quæstionemque vocaretur, diceret vel imparatus, mihi que sæpe interroganti de grauissimis rebus admirabili facilitate



ARCHIEPISCOPI PARISIENSIS. 5  
responderet, ac difficultates omnes  
summoueret. Has, aliásque hominis vi-  
tutes tu disertè admodum expressisti in  
ALLOCVTIONE tua, quæ meo nomi-  
ni inscripta est: in qua etiam me admo-  
nes, vt quæ de vita studiisq; ejus peni-  
tiora noui, ac morbi fatique historiam  
describere non recusem. Pareo lubens.  
Iamdiu enim est, ex quo integrum opus  
de vita præstantissimi viri edere institui;  
sed nunc tuo hortatu magis, cum te ab  
aliquot annis delegerim, quem præci-  
puè colerem, & cui essem, sicut sum,  
amicissimus. Interim ergo dum opus  
illud meum absoluatur, visum est mo-  
rem tibi gerere, & in antecessum præ-  
mittere aliqua de vita rebúsque ejus. Et  
cum inuestigare, cuinam potissimùm  
hanc meam narrationem inscriberem,  
tu in primis occurristi, multis de causis;  
sed ob illam præcipuè, quòd tuo horta-  
tu, vt dixi, hanc scriptionem aggressus  
sum; tum etiam quòd vir optimus te in  
suam amicitiam ac familiaritatem peni-  
tissimè admiserat, postquam eruditio-  
nem tuam, prudentiam, ac pietatem  
agnouerat. Quidni ego iisdem vestigiis  
insisterem, qui, viuento eo, nihil anti-

aius habui, quàm vt omnia dicta factaque ejus vice legis obseruarem? Sed antè quàm destinata componam, rependum videtur de origine ejus; quòd alicujus momenti sit, bonis ac nobilibus atauis prognatum esse. Hinc ergo exordiar.

MONTES Pyrenæos, quæ Gallias ab Aragonibus Nauarrisque disternant, accolunt BENEARNI, Gallica gens, sed quæ tamen aliquid admixtum habet Hispanici moris. Vetus illic & illustris est FAMILIA MARCARVM: in qua sexcentis ferme abhinc annis militari fama clauit GARSIAS MARCA Præfectus equitum Gastonis Benearnorum Principis, quum is anno M.C.XVIII. Cæsaraugustam Aragonum ciuitatem obsedit, cepitque, vt ex archiuo Ecclesiæ B. Mariæ Columnensis (vulgò *Nuestra Señora del Pilar*) apud Cæsaraugustam collegit Melchior Solerius Abbas Canigonensis, auctor Hispanus. Posterij ejus, vt ex monumentorum fide constat, militaribus & ipsi studiis inclauerunt; auitæ erga Principes suos fidei & reuerentiæ retinentissimi; & memores Garsie, gentis auctoris: donec al-

ARCHIEPISCOPI PARISIENSIS. 7  
ternantibus rerum humanarum vicibus,  
inter togatos haberi cœpere circa an-  
num M. CCCC. XL. Ea enim tempesta-  
te præclarus in primis fuit Petrus de  
Marca, vir in Iure consultissimus: qui  
negotiorum procuratori generali in  
vniuersis Principis sui ditionibus admo-  
tus est, & ad Præsentiam Consiliorum  
ejus tandem euectus. Non immorabor  
in recensendis Petri posteris, ne nunc  
longiùs incepto abierim. Memorabun-  
tur autem in tempore, quum, vt dixi,  
opus illud meum de vita Illustrissimi  
Mecænatis publicæ luci dabitur. Hunc  
interim librum honori ejus destina-  
tum, tametsi incondito sermone scri-  
ptum, professione pietatis excusatum  
iri spero.

Ex ea igitur generis claritate in Be-  
nearnis ortus est PETRVS DE MARCA,  
in oppido Gantensi, haud procul vrbe  
Palensi, ix. Kalendas Februarias, anno  
M. D. XCIV. patre IACOBO; matre  
CATHARINA LARTETA, singu-  
laris exempli femina. Septimo mense  
editus, cum in imbecillo tenuique cor-  
pusculo vires ad fugendum non adef-  
sent, lactis in os immissione primum

vitæ mensem transegit. Dein accessere ad mammas labella ; suetoque infantium more nutrimentum hausit. Verum cum ipse vix quadrimestris esset, nutrix grauida effecta, puero mammam præbere prohibita est : quem cum à se diuelli eo prætextu ægrè pateretur, lac caprinum muliebri melius esse dictitans, quo vtentes rusticorum pueri ad eam qua vigere solent corporis firmitudinem perueniunt, eò traxit parentes, vt sinerent eum lacte caprino per reliquum infantiaë tempus educari. Ea tempestate Calvinismus fœdè grassabatur in Benearno, vbi Catholicæ religionis publica professio jam ab anno M. D. LXIX. publico Edicto vetita erat ; expulsis insuper sacerdotibus Dei, atque omni ritu sacrorum in exilium acto, ne quid vsquam priscaë religionis occurreret. Et cum intelligerent pauci qui supererant Catholici, vnum esse in Ecclesia baptismum, quod ritè quoque ab hæreticis vsurparetur ; liberos suos, ob penuriam sacerdotum, Ministris hæreticorum tingendos offerebant, pessimo exemplo. At non Iacobus filium suum citra conscientiam Presbyteri voluit

baptizari: sed extra fines patrios deferri curauit, in diœcesim videlicet TARBIESEM; vbi Romana sacra publicè colebantur, nullo contradicente. In monasterio igitur sancti Petri Genereſis, à monacho Benedictino, qui tum ex vſu priſco Parochi officium illic implebat, baptizatus, Petri nomine donatus eſt. Sed haud dubiè prætermitti non debet, bonum illum monachum in modum oraculi addidiſſe baptiſmi ceremoniis celebrem illam Ieſu Chriſti ſententiam: *Tu es Petrus; & ſuper hanc petram ædificabo Eccleſiam meam.* Sciant quibus moris eſt fortuita aſpernari; in eſſe illis interdum aliquid fatidicum, quod neque tolli, neque mutari fas eſt. Nam ſecundùm imprudens monachi effatum, ſic Marca per omnem vitam, etiam matrimonij curis illigatus, ſtudit fidei Catholicæ aduerſùs hæreticos ſtabiliendæ; rebùſque Eccleſiæ conſeruandis, vt jam anno M. DC. XXV. haud multùm triginta annos egreſſus, Reſtaurator tamen & Tutelaris Catholicæ religionis in Benearno, Columna Eccleſiæ, perſonarùmque Eccleſiaſticarum ProteCTOR, publico elogio dictus

fit à Clarissimo Viro Ioanne Bordanouâ Canonico Lascurrensi in libro tunc Parisiis edito de Statu tribunalium Ecclesiasticorum, qui in omnium manibus versatur, cuiusque noua dein editio prodiit ante hos decem annos. Neque destitit postea, quum post mortem amantissimæ vxoris ex Parlamento Palensi, vbi Præsidis munere fungebatur, in Sacrum Consistorium adlectus est; quin res & personas Ecclesiasticas suo semper fauore præsidioque confoueret; quod & maiori pondere confecit, postquam beneficio piissimorum Regum, ad Conforanensem primùm, dein ad Tolosanam, ac Parisiensem Cathedras euectus, & à Summis Pontificibus approbatus, intellexit locum esse virtutibus patrefactum. Nunc ad incepta redeo.

Admodum adolescentulus sedem ac magistram studiorum habuit ciuitatem Aufcorum, qui Aquitanorum clarissimi dicuntur à Pomponio Mela vetusto scriptore; vbi literas humaniores didicit apud Patres Societatis Iesu; qui animum ejus postea Philosophiæ præceptis imbuerunt in Collegio Tolosano. Dein, de per tres continuos annos in Acadē-

ARCHIEPISCOPI PARISIENSIS. II  
mia Tolofana , quæ tum in Iure docen-  
do ceteras Europæ facillimè anteibat,  
Ius Ciuile & Canonicum audiuit ; vſus  
magnis doctõribus , Gulielmo Marano,  
Gulielmo Cadano Scoto , Vincentio  
Chabotio , & Iano à Coſta, qui tum pu-  
blicè Ius vtrumque in ea ciuitate proſi-  
tebantur. Sed in primis ſecutus eſt Ca-  
danum , tunc interpretantem Nouel-  
lam Conſtitutionem cxxiii. Impera-  
toris Iuſtiniani ; virum , vt ipſe aiebat,  
in vtroque Iure conſultiſſimum, ſed qui  
Canonicum calleret ad miraculum,  
bonàsque literas Legum ac Canonum  
cognitioni addidiſſet : corumque tardi-  
tatem deplorabat , qui obſcuritatem in  
Cadano deprehenderent. Memoria te-  
neo ſolitum ipſum narrare , optimam  
methodum ſtudenti Iuri Canonico ſibi  
ab eo viro traditam ; atque illum addi-  
diſſe ſtimulos iuuenili animo , dum dili-  
gentiam ejus , ac ſagacitatem , natum-  
que ad literas ingenium laudibus iden-  
tidem extolleret. Ea nimirum fuere  
præclara initia magnarum rerum quæ  
poſtea ſecutæ ſunt , & fundamenta ſin-  
gularis eruditionis quam ſequens ætas  
in Marca eſt admirata , quàmque nos

omnium intimè agnouimus ex assiduo conuictu. Struebat videlicet jam fortuna magnum virum, celeberrimum in vtraque toga mox futurum. Nam paulò post, anno nimirum M. DC. XV. in supremum Benearni Consilium cooptatus, sapientissimi Senatoris, & amantissimi patriæ ciuis munus summa cum omnium laude exercuit, licèt tenera ætas ei oneri sufficere posse haud videretur. Sed non vltra progrediar, quin te heic paulisper detineam, mi Sorberi, vt tecum admirer arcana diuinæ providentiæ; quæ iuuenem, nullis rerum experimentis edoctum noscere ingenia hominum, rudem adhuc infidiarum seculi, versutiis tamen hæreticorum exposuit, talique in tempore capeffendæ reipublicæ iter ingredi voluit. Solus enim in illo Consilio Catholicus fuit, dum collegæ ejus omnes Calvinianis erroribus impliciti erant. Impatienter id proculdubio ferebat Marca. Itaq; nunquam cessauit à conquirendis remediis aduersùs tam ingens malum, donec ejus precibus & votis exoratus Deus, huc flexit corda Christianissimorum Regum, vt neminem in eo Senatu esse



paterentur alterius religionis professorem, quàm Catholicæ. Vidit optimus vir redditam penatibus auorum religionem priscam, iis postea leges dantem quibus per tot annos subjecti fuerant Catholici; cùm sæuiantibus Edictis proscriberentur, non aliam ob causam, quàm quòd gliscenti perfidiæ Caluinistarum, acrius quàm temporibus illis permissum erat, se opponerent.

At Marca, egregiæ tum spei juvenis, MARGARITAM FORGVESIAM, splendidis natalibus ortam, quippe è nobili & vetusta apud Aquitanos Leuitanensium Vicecomitum familia prognatam, sibi ea tempestate junxit: quam postea defunctam anno M. DC. XXXII. doluit vehementer, licet plures liberos in solatium marito reliquerit. Ea fuit causa non repetendi matrimonij. Narrabat ipse, primum annum qui optimæ & amantissimæ conjugis mortem secutus est, citra ostentationem transactum à se esse in luctu, quòd desiderium extinctæ non posset pati, cum qua vixerat mirâ concordia per tot annos. nec vnquam oblitus est.

Incidit in ea tempora grauis occasio,

in causa fidei , apud Benearnos , quæ latere Marcam non fineret. Rex quippe Ludouicus XIII. vestigia Patris Henrici relegens , ( quem compertum habebat animo destinasse rem Catholicam in ea regione prorsus restituere , ni morte præuentus fuisset ) Decreto sacri Consistorij lato apud Fontem-Blaudi , oppidum diœceseos Senonensis Palatio regio nobilitatum , vii. Kalend. Iulij anni M.DC. xvii. statuit vt libera bonorum omnium ad Ecclesias & personas Ecclesiasticas in Benearno pertinentium possessio ipsis permetteretur , siue illa decimæ essent , siue alterius conditionis. Atque vt promptior esset illius Decreti executio , sacra Principis epistola commeauit ad Ecclesias Benearnenses quæ se Reformatas dicunt : quâ jubebantur delegatos ad Comitatum mittere , queis coram restitutio illa fieret. Eam ob rem Ministris hæreticorum , atque aliis quampluribus ejusdem sectæ hominibus apud Orthesium ( Benearnensium id oppidum est ad Gabarum fluuium , in diœcesi Aquensi ) conuenientibus A. D. xiii. Kal. Augusti , vna omnium vox fuit , vitam antè

ARCHIEPISCOPI PARISIENSIS. 15  
amissuros, quàm restitutioni ei consen-  
tirent, qua pessumdari statum religio-  
nis ac reipublicæ in Benearno manife-  
stum erat. Quæ vox altiùs penetrabat,  
quàm vt oporteat obliuisci. Missus ita-  
que Lescunius Senator Palensis, nihil  
intentatum reliquit, quo Regis ani-  
mum à proposito dimoueret: sed effi-  
cere non potuit, quin mense Septem-  
bri Edictum exiret à Principe, quo Ca-  
tholici ritus in vniuersas Benearni pa-  
ræcias reuocabantur, ac Decretum  
mense Iunio latum confirmabatur. Se-  
quenti tum anno Renardus, libellorum  
supplicum in Regia Magister, in Be-  
nearnum missus, cum amplissima pote-  
state, vt Edicti executionem vrgeret,  
cùm Palum peruenisset A.D.VII. Idum  
Iuniarum, sequentibus dein diebus plu-  
rimum operæ posuit in tam laudabili  
negotio. Verùm obstinatorum nimis  
pertinax ingenium eò vsque processit  
audaciæ, vt habito Senatu amplissimo,  
Decretum ab iis perscriptum sit III. Kal.  
Iulij anni M. DC. XVIII. eorum senten-  
tiæ, vt fit, accedente Marca, licèt inter  
deliberandum contradixisset: quo pa-  
lam pronuntiarunt, actis inseri non

posse regium illud Edictum quod suprà retuli , neque etiam Decretum quod præcesserat: quinimò postulandum esse à Ludouico, vt res in eodem statu, in quo tunc antea erant, esse fineret; si saluam rempublicam, suorúmque sub-  
 jectorum incolumitati prospectum vellet. Senatusconsulti hujus exemplum, cum sua ad Principem relatione, misit confestim Renardus; ac postridie Kalendas Iulias, Palo excessit. Discessum ejus secuta sunt varia & multiplicia cœlo terræque prodigia. Etenim, ne singula commemorem, v. Nonas terra bis tremuit in vnico Benearno; ( adnotatum quippe tum, non alibi contigisse illum terræ motum ) Lascurrensis Ecclesiæ tintinnabulum sponte signum dedit, nulla mortali manu tactum; pluit demum sanguine; eóque infectæ arbores, & spicæ segetum ac frumentorum. Sepulcra quoque operta sanguine haud procul Olorone ciuitate. Crucem quin etiam rubeam in aëre visam discurrere; quidam tradidere. Atque hæc facilitate credentium vulgata cum pleríque, more humani ingenij, interpretarentur vt futurorum præsagia; alij, vt diuersa sunt

ARCHIEPISCOPI PARISIENSIS. 17  
sunt hominum ingenia, iræ numinis ad-  
scriberent: quidam tamen ab vtrisque  
dissentientes, ad solos naturalium cau-  
sarum nexu referebant. quod propius  
vero crediderim. Neque multò post,  
VIII. nimirum Kalendas Augusti, è Sa-  
cro Regis Consistorio scribuntur ad Se-  
natum Palensem literæ nomine Princi-  
pis, vt fit: quibus jubebatur quantocyus  
Edictum anni superioris in acta Curiae  
referre, ejusque executionem matura-  
re, & cetera quæ ad rem quoquo modo  
pertinerent, sedulò agere; sciturus  
Regem ea auctoritate aduersùs rebelles  
vsurum, quam pietati ejus ad coërcen-  
dam talium temeritatem commisit  
Deus. Narrabo tibi, VIR CLARIS-  
SIME, rem adeo incredibilem, vt vix  
fidem apud posteros habitura sit. Cùm  
optimos illos Calvinistas, qui tum ne-  
gotiis publicis præerant apud Benear-  
nos, quique se sapientissimos rerum exi-  
stimabant esse, latere nequaquam pos-  
set Christianissimi Regis consilium de  
restaurando Catholicæ religionis exer-  
cizio in ea regione; tamen, quæ fuit il-  
lorum temeritas, post intellectam ex  
frequentibus rescriptis voluntatem re-

giam; vltimis ejus literis apertiffimè testatam, ausi sunt dicere in os ejus, quum in Aquitania degeret, mandatum illud postremum, de quo suprà memorauì, non sine ambagibus esse, neque ipsis liberum fuisse regiis jussis obsequi. Actum erat prorsus de religionis negotio, ac præclarum sanctumque Ludouici consilium infectum remanebat; ni suadente ac vrgente IACOBO MARCA, qui ad Comitatum ea de causa venerat, Rex iter Benearnicum arripuisset anno M. DC. XX. licèt contra tendente Lescunio, qui sectæ suæ ruinam in eo positam esse intelligebat. Memoratur Luynij vox, qui tum præcipua apud Principem gratia vigeat; quum Iacobo dixit, quandoquidem ita ipse suaderet, iturum Ludouicum in Benearnum; sed euentum Iacobo haud dubiè imputandum iri, si res secus quàm dicta sit caderet: quippe Principi cauta potius consilia cum ratione, quàm prospera ex casu placere. Pollicebatur enim Iacobus, cuncta aduenienti Ludouico cessura. Porrò heic se Petro obtulit occasio strenuè laborandi pro religione auita: cujus restituendæ modum, & arcana

ARCHIEPISCOPI PARISIENSIS. 19  
consiliorum, in quibus omnis hæc ratio  
sita est, & Regi ipsi, & participibus se-  
cretorum ejus aperuit. Quo factum est,  
ut cùm anno M. DC. XXI. sapientissimus  
Princeps Consilium Palense in Parla-  
mentum, more Francico, mutaret; me-  
mor operæ ingentis quam in fidei ne-  
gotio posuerat Petrus, ejus merita re-  
pendit noua Præsidis dignitate, quam in  
eum gratis contulit, indultâ etiam pro-  
lixâ ætatis veniâ. Meminit ipse hujus rei  
in Libello Barcinone edito anno M. DC.  
XLVI. pro defensione libri De Con-  
cordia Sacerdotij & Imperij. Referam  
autem ipsa verba: *Sed vno auulso non de-  
fuit alter, qui rem Christianam promoueret,  
felicis memoriæ IACOBVS pater quondam  
meus: cujus laboribus, adjuncta quoque sol-  
licitudine & industria mea, id effectum est,  
ut Edicti Regij pro restauranda per vniuer-  
sas Benarni parœcias religione, bonisque  
Ecclesiasticis restituendis lati executio, ca-  
uillationibus hæreticorum per longi temporis  
moras elusa, ab ipso gloriosissimæ & immor-  
talis memoriæ Rege Ludouico XIII. per-  
petraretur.*

Haftenus res domi gestas placuit per-  
stringere. Nunc major rerum mihi nas-

20 DE VITA PETRI MARCÆ  
 citur ordo ; ex quo abductus à patria ,  
 & in Sacrum Consistorium euocatus ,  
 quod exeunte anno M. DC. XXXIX. con-  
 tigit , quamplurimas proferendi inge-  
 nij illustres occasiones nactus est. quod  
 qua ratione actum sit , paucis expediam.  
 Fortè iis diebus Rex Ludouicus XIII.  
 causâ exciderat in Sacro Consistorio.  
 Existimabat ipse , injustè fuisse judica-  
 tum. Itaque de ea re conquestus apud  
 Virum Superillustrem PETRVM SE-  
 GVIERIVM GALLIARVM CAN-  
 CELLARIVM , ei coram Eminentissi-  
 mo CARDINALE RICHELIO præ-  
 cepit vt duos viros eruditione ac pieta-  
 te præstantes deligeret , in illud Consi-  
 storium admittendos : neque se curare ,  
 Parisiensésne forent , aut ex prouinciis ,  
 modò tanto muneri pares reperirentur.  
 Tum temporis Marca , qui à Parlamen-  
 to Palensi delegatus in Comitatu dege-  
 bat , Cancellario innotuerat. Igitur  
 Seguierius ( fuit enim semper illi viro  
 mira erga eruditos omnes ac literatos  
 beneuolentia ; vt non injuriâ SECVLII  
 NOSTRI MECÆNAS dictus sit )  
 Clarissimum Virum PETRVM PV-  
 TEANVM , Bibliothecæ Regiæ Præfe-



ctum , in suas ædes euocat ; orátque, vt  
 pro ea quæ illi cum Marca erat amici-  
 tia , ei persuadeat rem ipsi honorificam,  
 reip. vtilem , ac Principi gratam factu-  
 rum, si seposito tantisper repetendæ pa-  
 triæ desiderio , Lutetiæ cum dignitate  
 vellet habitare : ceteros magnis ambi-  
 tionibus expetere, vt in numerum Con-  
 sistorianorum admittantur ; ipsi illud  
 in primis beatum contingere , quòd à  
 Principe expeteretur. Recepit lubens  
 Puteanus se facturum. Ad Marcam er-  
 go specie visentis ingressus , destinata  
 in longum jaciens, exquirat quod ei con-  
 silium esset post peracta negotia quo-  
 rum causâ heic attinebatur ; velítne re-  
 uisere patrios lares ; an verò Lutetiæ  
 commorari , vbi eminentes virtutes ali-  
 quo in pretio sunt ? Ad quæ Marca mo-  
 destè , vt assolet , respondit , si alicujus  
 gratiâ statueret vitam degere Parisiis,  
 id haud dubiè facturum vt Puteani ami-  
 citia frueretur : sed præterquàm quòd  
 nullum sibi in Vrbe negotium erat, nul-  
 læ occupationes , cupere se in patriam  
 redire ; vbi , procul Urbis inlecebris ,  
 cum dignitate licebat viuere. Tum Pu-  
 teanus , non vltrà differendum ratus,



rem ordine, vt sese habebat, exponens; Neque tibi, inquit, deerit dignitas, neque occupationes. Velis tantummodo. Quid moror diutiùs? Marca ad Cancellarium deductus, & honorificè ab eo acceptus, ac paucis pòst diebus apud Ruellum Cardinali Richelìo monstratus, demum Regi indicatus, mirabili vtriusque approbatione in Sacrum Consistorium adlectus est; adeo vt asseuerauerit Ludouicus, se, si Marca sibi tunc in mentem venisset, Cancellarium fuisse liberaturum onere conquirendi hominem, quòd sibi probè cognitus esset; *amicum* etiam *suum* esse Marcam dicatans. Inutile fuerit referre, quàm sanctè jus suum cuique tribuerit, quandiu inter Consistorianos sedit. Id vnum adnotasse sufficiat, omnium in se ora vultusque conuertisse, dum quotidie in eo collegæ ejus deprehenderent admirabilem quandam sapientiam, cum magna eruditione conjunctam. Crescit enim (vt rectè scriptum est ab auctore dialogi de claris Oratoribus) cum amplitudine rerum vis ingenij: nec quisquam claram & illustrem orationem efficere potest, nisi qui causam pa-

rem inuenit. Quæ porro tam magnæ menti sese offerre poterat causa in Parlamento Benearnensi, quæ non infra magnitudinem ejus jaceret?

Anno M. DC. XL. Historiam Benearni, & circumjacentium populorum, antea ipsis quoque indigenis aut prorsus incognitam, aut fabularum admixtione fœdè laceratam, ac deprauatam, Marca edidit summâ curâ & diligentia; ejusque fidem probauit auctoritate veterum Historiarum & Geographiæ scriptorum, ac etiam actorum veterum ex variis archiuis & manuscriptis codicibus descriptorum, quæ publici item juris facta sunt. Dicata autem à Marca fuit Illustrissimo Seguierio, velut æternum obseruantia in eum suæ monumentum.

Sequens mensis Martius materiam præbuit nouis sermonibus, ob editionem Libelli Parænetici ad Antistites Regni, de cauendo schismate, quod præforibus adesse nuntiabat Optatus Gallus. Sub eo namque nomine latere uoluit auctor; satis alioqui cognitus, si laruam illi detrahere liberet. Occasionem turbandi sumebat ex editione Voluminum de Libertatibus Ecclesiæ Gal-

licanæ, quæ anno superiore prodierant  
 curâ Clariss. Viri Petri Puteani; atque  
 item ex rumore vulgi, differentis eam  
 Cardinali Richelîo mentem esse, vt  
 omisso Episcopo Romano, Patriarcha  
 in Galliis constituatur. Aiebat præte-  
 rea, magnum virum in partes tractum  
 promissis ingentibus, qui scripto defen-  
 deret quæ pro ea causâ Cardinalis factu-  
 rus erat. neque dubitatur, quin Mar-  
 cam intelligeret. Cùm inuidia hæc gra-  
 uaret Cardinalem, eodémque telo Rex  
 peti videretur, ad quem omnia Richelij  
 consilia referri omnes nouerant; Marcæ  
 per Archiepiscopum Burdegalensem  
 Regis nomine imperatur, vt aduersùs  
 hunc Libellum scribat; sed ea metho-  
 do, ne Libertates Ecclesiæ Gallicanæ,  
 quas per latus non occultè petebat Op-  
 tatus, aliquam paterentur injuriam;  
 quinimò id sedulò ageret, vt omnes in-  
 telligerent Libertates illas nihil detra-  
 here de reuerentia quæ debetur Roma-  
 næ Sedi, quam præ cunctis semper na-  
 tionibus Galli constantissimè retinue-  
 runt. Suscepit curam libens. Neque  
 enim fas erat repugnare Principi, cui se  
 carissimum esse sciebat, præsertim iusta

ARCHIEPISCOPI PARISIENSIS. 25  
imperanti; non Cardinali Richelio, cui  
omnia Regis consilia innitebantur, quique  
Marcam plurimi haud dubiè faciebat.  
Itaque anno M. DC. XLI. editis  
Dissertationibus DE CONCORDIA  
SACERDOTII ET IMPERII, *sive*  
DE LIBERTATIBVS ECCLESIAE GAL-  
LICANÆ, (hanc enim interpretationem  
apponi in limine efflagitauit Typogra-  
phus, quòd ex eo librum existimaret  
vendibiliorem futurum) sic scriptionem  
suam temperauit, vt relicta discussione  
juris quod vtrique Potestati competit,  
ad solam facti inquisitionem, quæ fines  
veterum possessorum demonstrare pos-  
set, se contulerit; vt ipse præfatur in  
Admonitione ad Lectorem. Porro  
quod spectat ad reuerentiam, quæ Sedi  
Romanæ debetur; tanta eam testimo-  
niorum ex antiquitate petitorum nube  
asseruit, ac tam disertè, vt fas sit existi-  
mare, neminem vnquam, non dicam  
Gallum, sed nec Hispanum etiam, aut  
Italum, qui modò intra limites æqui  
constiterit, auctoritatem Romani Pon-  
tificis in altiori fastigio conlocasse.  
Offendit tamen (quis crederet) hic  
Liber Romana ingenia, nullam aliam

ob causam, vt Mecænas existimabat, quàm quòd in fronte operis admoneret heic agi de Libertatibus Ecclesiæ Gallicanæ. Vnde Romanis ( *quorum aures teneritudine quadam plus trahuntur* ; vt ait Auxiliaris Præfectus, apud antiquum scriptorem vitæ sancti Hilarij Episcopi Arelatensis ) promptum fuit sibi persuadere, illum Libertati Ecclesiasticæ aduersari, qui de Libertatibus Ecclesiæ Gallicanæ ( proh nefas ! ) agebat ex professo.

Ea tempestate, v. videlicet Kalend. Ianuarij anni sequentis, Rex Ludouicus XIII. ad Episcopatum Conforanorum, cui tunc ob paralyfim renuntiauerat Bruno Ruada eorum Episcopus, Marcam animo lubentissimo Nominauit, ac gaudenti. Fas enim sit audita loqui. Sanè credi vix potest, quantum ea res placuerit omnibus iis quibus aliqua honesti cura erat. Nuncius certè Apostolicus, qui tum Parisiis degebat, Hieronymus nomine, viri laudes insigni elogio profecutus est in epistola ab eo scripta Kal. Iulij anni M. DC. XLIII. ad Eminentissimum CARDINALEM ANTONIVM BARBERINVM, VRBANI VIII. Summi

Pontificis fratris filium; qua eum ultro  
 flagrantissimè rogauit, vt suffragatio-  
 ne sua apud Pontificem iuuaret Mar-  
 cam, dignum haud dubiè, vt scribit,  
 qui Conforanensi Ecclesiæ præficiatur.  
 Cardinalis verò ille, vbi semel ei Mar-  
 ca innotuit, sic eum in suam recepit  
 amicitiam, sic negotia ejus in diuersis  
 occasionibus procurauit, etiam antè  
 quàm rogaretur, vt Marcæ prorsus per-  
 suasum fuerit neminem diligentius aut  
 flagrantius amari ab illo Cardinale.  
 Ipse verò fratris ejus, Eminentissimi  
 CARDINALIS FRANCISCI BARBERINI,  
 cujus quoque dein singularem beneuo-  
 lentiam & humanitatem expertus est  
 in omnibus suis negotiis, auctoritatem  
 & auxilium implorauit; vt approbato  
 Principis de se iudicio, Conforanensis  
 Ecclesia vtilem deinceps habere posset  
 Episcopum. Respondit is humanissimè,  
 suo more, operam Marcæ suam non de-  
 futuram apud Pontificem: sed quædam  
 in Libro de Concordia Sacerdotij &  
 Imperij scripta esse, quæ molliri oport-  
 eat, vt delicatis quorundam ingeniis  
 satisfiat: id verò si semel præstitum sit,  
 sperari posse vt quamprimùm Marcæ

voti compos euadat. Interim à Pontifice delegatur Episcopo Marinoneo, Lucæ Holstenio, atque aliis quibusdam ministerium, vt Librum illum seriò perlegant, adnoténtque si quid contra debitam Romanæ Sedi reuerentiam exciderit auctori. Et Holstenius quidem quamplurima in eo contineri retulit, quæ explicatione indigerent; quædam etiam esse quæ Romana jura violent, sed in occulto. tanto quippe ac tam singulari artificio librum hunc esse perfectum, vt distingui vix possit, quæ pars ejus Ecclesiæ Romanæ faueat, quæue noceat. At Marinoneus, vir apud Italos singularis eruditionis famâ celebris, scripto prompsit sententiam, pro Marca honorificam, & Romanis haud spernendam. Asseueravit enim, nihil in eo opere contineri, quod notâ inurendum sit, neque permittendum esse Librorum Censoribus vt in illud sæuiant; quinimò tam doctè, ac eruditè, nouâque methodo, auctoritatem Romani Pontificis per Gallias & ceteras Occidentis & Orientis prouincias illic asseri, vt vel ob hoc ipsum auctori ejus deberi existimet majus aliquod



præmium, quàm sit Conforanensis Episcopatus : grates quin etiam agendas. Scilicet tanta est vis veritatis , vt etiam ab ijs maximè colatur , quos ei maximè aduersari velis. Mansit tamen occultatum hoc clarissimi & eruditissimi viri testimonium de Mecænatis mei Dissertationibus : tantâque cautione prouisum est ne vulgaretur , vt nulla Marcæ industria , nulla ars efficere potuerit, vt exemplum ejus in Galliam mitteretur. Ceterùm post relationem à delegatis factam coram Summo Pontifice, Cardinalis Barberinus Marcæ significauit, cupere se vt sententiam suam de cura Principum in rebus Ecclesiasticis liquidò promeret ; eosque legibus Ecclesiæ subjectos esse in iis rebus , non verò præesse , doceret. Quod ille , vt erat minimè contumax , abundè effecerat : sed quæ tum temporis accidit Urbani Pontificis mors luctuosa , nouam morarum seriem introduxit.

Meliore tamen fato , quanquam eadem prorsus diligentia, sub successore ejus Innocentio X. rebus Marcæ prospectum est ; adnitente in primis Cardinale Bichio , viro sapientissimo :

qui in Sacro Consistorio quod IV. Idus Decemb. anni M.DC.XLIV. habitum est coram Summo Pontifice, & tanti viri virtutes ingentibus laudibus est profectus, & vt Episcopatus Conforanorum in eum conferretur, maxima contentione egit. Verùm intercedente Assessore Sancti Officij, ( sic vocant tribunal Inquisitionis ) qui in memoriam Pontificis & Cardinalium importunè reuocauit querelas aduersùs Librum de Concordia Sacerdotij & Imperij olim excitatas, magnasque & iustas de eo conquerendi causas esse affirmabat; Innocentius, naturâ cunctator, & qui per imprudentiam nihil eorum prætermitti volebat quæ ad dignitatem & auctoritatem Sedis Apostolicæ pertinere existimabat, librum hunc examinandum de integro commisit Cardinalibus Barberino, Spadæ, Pancirolo, & Rapaciolo: ad quos ea de causa extant aliquot Illustrissimi Mecænatis epistolæ, quibus eos orat vt finis tandem aliquis imponatur his rebus. Relatio porrò negotij demandata est Cardinali Barberino: qui eo ipso, vt ita dixerim, momento, quo de eo acturus erat in Congregatio-

ARCHIEPISCOPI PARISIENSIS. 31  
ne Cardinalium delegatorum, in Galliam se contulit, vbi aliquandiu mansit. Ea nimirum sunt fata hominum, Doctissime SORBERI: recteque meâ sententiâ, neque tu, opinor, discrepabis, adnotatum est, virtutes jacere, quantumvis eminentes, nisi fortuna adjuuet, quæ è diuerso in plerisque locum supplet virtutum.

At enim quia noua isthæc Pontificia delegatio negotium deinceps protrahenda erat in longum tempus; Marcapræuertendum ratus, & vt omnem scrupulum ex animis iudicum delegatorum euelleret, LIBELLVM Barcinone edidit anno M. DC. XLVI. XIV. Kalendas Aprilis: *quo editionis Librorum de Concordia Sacerdotij & Imperij consilium exponit, Opus Apostolicæ Sedis censuræ submittit, & Reges Canonum Custodes, non verò Auctores, esse docet.* Hic est enim Libelli hujus titulus; quem integrum heic adscribere placuit. Eum porrò A. D. VII. Kal. insequentis mensis Octobris, Romam ad Innocentium misit, cum elegantissima epistola; ex qua fragmentum hoc in tui gratiam decerpere non pigebit: *Editus ex mandato regio à me, tunc Curie*

*Parlamenti Præsides , Dissertationum de Concordia Sacerdotij & Imperij Tomus Primus , ac si minùs Ecclesiasticæ libertati faueret , petitionem meam huc usque retardauit. Fateor eo in Libro Principis partes pro muneris mei ratione fouisse , Præsidentemque potiùs impleuisse , quàm Episcopum. Enimuerò illud asserere fas est , eo in opere me , licèt nondum Sacerdotem , tamen pro Sacerdotali gessisse , ut loquar cum Sidonio ; & regulas quamplurimas , quæ in Galliarum tribunalibus calent , Sedi Apostolicæ contumeliosas , contrariis definitionibus profligasse. Et paulò post : Et ne Libri publicati inuidia desiderijs meis obesset , Libello altero Barcinone edito , quem huic chartæ adjunxi , hallucinationes meas deprecatus sum ; Opus censuræ Beatitudinis Vestræ submisi ; quam prona mente amplexurum voueo , & assertorèm vindicèmque libertatis Ecclesiasticæ futurum. Quod autem Libelli hujus fatum fuerit , malo discas ex epistola Optimi Mecænatis ad Cardinalem Pancirolum scripta , cujus ea sunt verba : Tandem ex præscripto grauium virorum , Libello publicato , offensiones quæ ex prioris Libri editione , vnde dilationis occasio , contractæ erant , delere curauim.*

*Hunc*

*Hunc Libellum ab Eminentia tua lectum, atque recensitum, & Beatitudini Innocentij X. Pontificis Maximi oblatum, cum approbationis suæ suffragio, docuerunt me amicorum literæ quantumque eo nomine tibi deberem. Nunc restat, ut in delegatorum Eminentissimorum Cardinalium Cœtu, Libello comprehensa sententiæ meæ professio expendatur; ut eorum relatione Sanctissimus Pater de meo in Ecclesiasticam Libertatem studio certior factus, Episcopatus petiti gratiam mihi faciat. Sed novas in diem neæti moras in habenda Congregatione, non sine graui animi sensu nuper accepi. Indixerat diem Eminentissimus Cardinalis Spada. Intercessit Reuerendissimus Assessor Sancti Officij, caussatus absentiam Eminentissimi Cardinalis Barberini, vnius ex iudicibus delegatis: de qua monendus esset Summus Pontifex, ut absentis loco alium fortè pro suo arbitrio substitueret. Non conqueror de dubio moto, sed de mora quæ inde sequitur.*

*Rectè quidem Marca metuebat tarditatem Romanorum, moramque rerum; sed eò magis, quòd sciret Legatum Philippi IV. Regis Hispaniarum eò secreta molitione tendere, ne digni-*

34 DE VITA PETRI MARCÆ  
 tas Episcopalis ei adderetur, cujus nimia jam auctoritas erat apud Catalanos, gentem religiosissimam, quæque nominis Episcopalis mirum in modum cultrix est. Annus tamen M. DC. XLVII. finem negotio Ecclesiæ Conforanensis attulit: cui tandem aliquando Marca præfectus est Idibus Ianuarij, quarto demum anno postquam ab immortalis memoriæ Ludouico XIII. ei Cathedra isthæc destinata fuerat. Supererat ordinatio: quæ antè fieri non poterat, quàm Marca ad Presbyteri honorem peruenisset. Clericus quippe factus à Ioanne Episcopo Lascurrensi anno M. DC. VIII. XVI. Kalend. Octobris, non ultra progressus erat. Itaque anno M. DC. XLVIII. IV. Nonas Aprilis, Presbyter ab Illustrissimo Episcopo Babylonico Bernardo à Sancta Theresia consecratur apud Barcinonem: in qua vrbe ordinatum quoque Presbyterum fuisse, licèt resistantem, sanctum Paulinum Nolanum dein Episcopum, notius est quàm vt Marcam latere posset. Quam ob rem, inter ordinationis solennia, ejus opem & auxilium implorauit pro recta Ecclesiæ sibi commissæ admini-

ARCHIEPISCOPI PARISIENSIS. 35  
 stratione ; vt me ex eo memini sæpe au-  
 diuisse ; & paucis ante obitum diebus ,  
 cùm à me admonitus esset in ea tempo-  
 ra incidere festum diem illius sancti ,  
 rogauit presbyterum qui eum in hoc  
 morbo visere solebat , vt eo die sui me-  
 minisset in Missæ sacrificio, commemo-  
 rans tempus ordinationis suæ apud Bar-  
 cinonem peractæ. Sed ne vel tantil-  
 lum de mea fide dubites , mi Sorberi ,  
 dabo tibi testem omni exceptione ma-  
 jorem , ipsum , inquam , Mecænatem ,  
 qui de se sic alicubi scriptum reliquit :  
*Sanctissimi & nobilissimi illius viri , ( Pau-  
 lini ) qui natione Aquitanus erat, mihi quo-  
 que Aquitano memoria obuersabatur, quan-  
 do Barcinone consistens , ejus opem flagitan-  
 do , ad Presbyteratum sponte sum prouectus*  
 anno M. DC. XLVIII. Dein A. D. XIX.  
 Kalendarum Nouembrium ejusdem  
 anni Barcinone digressus , Narbonem  
 petiit. Illic ab Archiepiscopo Narbo-  
 nensi , Claudio Rebeo , Conforanorum  
 Episcopus est ordinatus in Cathedrali  
 Ecclesia Sanctorum Iusti & Pastoris ;  
 præsentibus , & Archiepiscopo assisten-  
 tibus , Clemente Bonzio Episcopo Bi-  
 terrensi , & Nicolao Pauillone Alec-ten-

fi item Episcopo, Suffraganeis Ecclesiæ Narbonensis. Hi nimirum sunt Pontifices, Sorberi, à quibus paulò pòst, nempe XIII. Kalend. Ianuarij, in eadem Ecclesia Narbonensi consecratus est Vir Illustrissimus ac sapientissimus, tibique, Vir Clarissime, ac mihi (quamvis enim audacia sit in verbo, dicetur tamen) amicissimus, FRANCISCUS BOSQUETVS LODOVENSIS EPISCOPVS, qui, nunc ECCLESIAE MONSPELIENSI feliciter præest; vir Mecænati meo ab adolescentia sine fuko & fallaciis amicus cum quo adeo conjunctè vixit, vt ad extremam ætatem amicitia eorum creuerit, permanseritque vsque ad extremum vitæ diem. Neque aliam amicitia hujus causam fuisse crediderim, quàm eam quam adfert Cicero in Oratione pro A. Cluentio: *Iam hoc ferè scitis omnes, inquit, quantam vim habeat, ad conjungendas amicitias studiorum ac naturæ similitudo.* Est enim ille, vt scis, eruditissimus, & humanissimus. Sed de tanti viri virtutibus differere, neque hujus loci est, & multi retulere: vnum addiderim; nihil esse tam excelsum, quod illæ non mereantur. Haud inutile por-



ARCHIEPISCOPI PARISIENSIS. 37  
rò fuit hæc eo loci obseruare : quando-  
quidem & ipsi Narbonenses ( vt me au-  
diuisse memini , quum in ea ciuitate  
esseni anno M.DC.LIX.) cum aliqua læti-  
tiæ voluptate memorant, illustre hoc  
amicorum par in eadem Ecclesia , pau-  
cos intra menses , eodem anno , & ab  
iisdem Episcopis , Episcopos fuisse con-  
secratos. Haud porrò illud omitten-  
dum hoc loci ; Innocentium Pontifi-  
cem , cui malitia quorundam hominum  
Marce virtutibus inuidientium persua-  
serat eum sic auerso à Romana Sede  
animo esse , vt nullâ Pontificum be-  
neuolentiâ , nullâque gratiâ ad ejus  
auctoritatem extollendam trahi vn-  
quam posse videretur , ad tentandum  
eum quadam opportunissima occasione  
vsum esse paulò pòst quàm in Cathedra  
Conforanorum conlocauerat. Mota  
erat temporibus illis grauis quæstio , de  
duplici capite in Ecclesia ; plerisque  
vnicum tantum caput , videlicet B. Pe-  
trum, in ea constituentibus; quibusdam  
verò censentibus Paulum quoque Ec-  
clesiæ caput cum Petro fuisse. Cùm  
hæc quæstio distraheret in partes inge-  
nia hominum eruditorum , atque inte-

rim dignitas Romanę Sedis tentari videretur; Innocentius, qui apprimè noverat Marcam in primis Ecclesiasticę antiquitatis peritum esse, ratus præterea euenisse occasionem qua ejus animus erga Sedem Romanam experiretur, aperire sententiam jubet. Ille nihil cunctatus, *Exercitationem* Barcinone v. Kalendas Iunij anno M. DC. XLVII. scripsit *de singulari Primatu Petri*, quę nondum edita est: quam Innocentio, ad quem statim missa est, valde placuisse ex eo intellectum est, quod eam publicè legi jussit, ac singularem quandam de Marcæ in Sedem Romanam propensione accepit opinionem. Ceterum hæc quę suprà dicta sunt, quamquam plures per annos gesta, conjunxerim, si secus actum fuisset, series narrationis interrumpetur. Nunc ad temporum ordinem redeo.

Initio anni M. DC. XLII. Marca domestico vulnere, & eo graui, ictus, Iacobum patrem amisit, fato interceptum apud Benearnos, quum ipse Lutetiæ commoraretur. quę absentia haud dubiè animum ejus valde afflixit. Neque tamen casum illum, vt plerique solent,

per lamenta ac mœrorem muliebriter  
 tulit : sed , post justa paterno funeri  
 persoluta , reuolutus ad studia , & ad  
 negotiorum tractationem , haudqua-  
 quam sibi otium lugendi reseruauit. Ea  
 quippe tempestate , inuentam à se in  
 Bibliotheca Regia Vigilij Romani Pon-  
 tificis Epistolam Decretalem pro Con-  
 firmatione Quintæ Synodi Oecumeni-  
 cæ , quæ cp. habita est , hætenus inedi-  
 tam , & omnibus doctis incognitam ,  
 publici juris fecit ; addita etiam elegan-  
 tissima Dissertatione , qua Vigilij insti-  
 tutum in perplexa Trium Capitulo-  
 rum disputatione asseruit ; vt ipse lo-  
 quitur. Edidit quoque ad calcem hujus  
 Dissertationis , epistolam Eutychij ad  
 Vigilium , itémque aliam Vigilij ad Eu-  
 tychium ; vtramque Græcè , cùm Lati-  
 nè tantùm extarent ; necnon etiam  
 Anathematismos xiv. editos ab eadem  
 Synodo , qui Latine tantùm habeban-  
 tur excusi , Græcâ linguâ euulgauit ex  
 eodem codice Regio. Quid verò de hac  
 editione postea ipse senserit , accipe ex  
 Libello ejus Barcinone edito anno  
 M. DC. XLVI. cujus suprâ mentionem  
 feci : *Sanè explicari non potest , quantum*

*hujus Epistolæ publicatio profuerit ad firmandam Apostolicæ Sedis auctoritatem erga Concilia Generalia ; quæ apud Gallicanos Academicarum Magistros , majorum suorum decretis inhærentes , valde nutabat.* Porro Dissertatio hæc edita tum fuit in ingentibus illis Conciliorum Tomis , qui è Typographia Regia prodierunt : in quos etiam conjecta est altera Marcæ Dissertatio , *De Primatu Lugdunensi & ceteris Primatibus* , cum Notis ad Canones aliquot Concilij Claromontani sub Urbano II. celebrati. Hanc vltimam Dissertationem, longè auctiorem edere rursus instituerat, si diutiùs in vita fuisset. Nihil tamen vnquam addidit, aliis occupationibus præpeditus.

Tum temporis Catalonia , nobilis Hispaniarum prouincia, libertatis amore , & odio aduersùs dominantes , à quibus atrocia se perferre querebatur acriùs quàm vt nulla iusta conquerendi causa esset , in fidem se ac clientelam Christianissimi Regis contulerat, misso ob eam rem ad Ludouicum XIII. nobilissimo ac sapientissimo viro IOSEPHO MARGARITO : quem in villa , cui Vallis-Spinosæ nomen est, residentem

ARCHIEPISCOPI PARISIENSIS. 41  
propè Taraconem, ac nihil minùs cogi-  
tantem quàm vt consensu gentis in bel-  
lum traheretur, Catalani ex decreto  
omnium ordinum prouinciæ sibi ducem  
ob nobilitatem ejus & virtutem præpo-  
suerant; vi etiam acturos minitantes, si  
cunctaretur. Neque nobilitas diutiùs  
demonstranda est. Quippe antiquum  
in Citeriore Hispania Margaritorum  
genus, fœcundum illustrium virorum.  
Itaque gratiis sibi à Rege actis, filiisq;ue  
duobus apud eum obsidibus ultro reli-  
ctis, in Cataloniam remeans, Guberna-  
toris etiam prouinciæ dignitate postea  
auctus, & Hispanis ostendit quantum  
belli artibus valeret, & fidem suam  
Regibus nostris multoties approbavit  
clarissimis argumentis. Sed præterea  
opus haud dubiè erat prudenti Visitato-  
re; (summi id magistratus nomen est,  
splendidæ in primis administrationis)  
qui prouinciales judices egredi terminos  
fori prohiberet, audentes poenis  
coërceret, ac, si id è re publica esse exi-  
stimaret, loco moueret; prouinciám-  
que inquietam recenter ad nos versam,  
legúm; municipalium amantissimam,  
consilio magis quàm vi in officio conti-

neret, imperiôque Francico parêre af-  
fuefaceret. Igitur Marcam deligi pla-  
cuit, virum, in quo multa ciuilis pru-  
dencia, singularis in omnes comitas, ac  
facilitas penè incredibilis inerant, cum  
seueritate & grauitate conjunctæ, præ-  
ter admirabilem rerum diuinarum hu-  
manarûmque intelligentiam. Acta hæc  
anno M. DC. XLIV. quo ipse Barcino-  
nem peruenit A. D. VII. Kalend. Maij.  
Et Marcæ quidem, præter auctoritatem  
ab Hispanis olim Visitatori generali  
Cataloniæ tribui suetam, concessa est  
etiam à Ludouico Rege in milites &  
copiarum ductores jurisdictio, & man-  
data ærarij cura. Quod si libuisset com-  
modis propriis vtilitatique seruire,  
rémque familiarem augere ex pecunia  
publica, nihil facilius. Nam & prouin-  
cia diues, & parata peccantibus; &  
Princeps ad retinendam Cataloniam, &  
ad propagandos imperij fines tum maxi-  
mè intentus, eam illuc pecuniam mit-  
tebat, quæ perpetuos sumptus suppe-  
ditaret, nec solum necessarios, sed  
etiam liberales; & præfecti ærario in  
omnem auiditatem proni, quantalibet  
facilitate redempturi erant mutuum

diffimulationem mali. Sed horum neutro corruptus est. Quinimò cùm intelligeret neminem adeo abstinentem & integrum in hoc munere esse, quin suspicionibus auaritiæ pateat, nollétque sibi in posterum imputari posse quòd Cataloniàm auarè habuisset, curam hanc à se remoueri enixè efflagitauit, neque tamen statim obtinuit. Verùm cùm nihil ex ea petitione remitteret, pertinacitèrque in dies regiam maiestatem vrgeret, vt administrationem illam in alium transferret, tandem impetrauit. Itaque liber & solutus ab hac cura, posthac totus ad bene gerendam rempublicam intentus, primùm omnes Catalanos blandè complecti, deinde singulos comiter appellare, postremò linguam eorum & mores addiscere; quò sic instructus, faciliùs dein in eorum se amicitiam insinuaret, auctoritatèrque sibi apud ipsos conciliaret. Neque perfectò spes eum sua frustrata est. Nam hinc factum, vt ei omnes Catalani, superba alioquin & gloriosa gens, & aduersùs potestatem contumax, honores, quos possent, publicè haberent, felicesque se esse existimarent quòd tam

boni viri familiaritate vterentur. Quippe sic se Barcinone gerebat in priuatis congressibus, vt depositâ potestatis personâ, communis infimis, par principibus videretur, comitate & alloquiis officia prouocans singulorum. In negotiis verò publicis, seueritatis semper & auctoritatis retinens, sæpius tamen parcendo, quàm puniendo, vim imperij solidauit: dato per prouinciam documento, Francorum dominationem haud procul à libertate abesse; sed istius modum placere. His artibus prouinciam difficilem & inquietam, annonæ, vini, & olei fœcundam, inimicitiis & licentia discordem ac mobilem, rerûmque nouarum auidam, septem per annos in officio continuit, & Regi firmavit aduersùs Hispanorum artes & conatus.

Tanta autem dignatio ejus erat, vt quum anno M. DC. XLVII, apud Barcinonem atroci morbo laboraret, certatim omnes ad templa, quæ propter hunc morbum noctu & interdium cunctis patebant, concurrerent, cœlestem pro eo opem imploraturi; & Serenissimus PRINCEPS CONDÆVS, qui tum Cataloniam vice Regis obtinebat, ad



ARCHIEPISCOPI PARISIENSIS. 45  
visendum eum è castris , quamuis pro-  
cul diffitis , in urbem veniret ; cùm an-  
tea de valetudine ejus sollicitus , crebrò  
per nuntios inuisisset. quo nihil honori-  
ficentius Marcæ contingere poterat.  
Sed ea erat Barcinonensium pietas , &  
caritas in Marcam , vt ambitu vrbis  
coërceri non posset. Atque adeo ex ea  
egressi quamplures , ad TEMPLVM  
MONSERRATENSE , inclytum per  
indigenas aduenásque , vetusta fama ac  
præcipuo cultu Beatissimæ Mariæ Vir-  
ginis celebre, quod xxx. M. P. hoc est,  
iter vnus diei , abest ab vrbe Barcino-  
nensi , pedibus accesserunt , vota pro  
incolumitate ejus nuncupaturi. Publicè  
quin etiam ciuitas vniuersa votum fecit:  
ac Consulum curâ factum est , vt duo-  
decim Capucini , quo hominum genere  
nescio an aliquid sit aut melius aut san-  
ctius , nudis pedibus , sandaliis etiam de-  
positis , nomine ciuitatis ad Montem-  
ferratum proficiscerentur ; additis duo-  
decim puellis , quæ vestibus albis vsque  
ad talos demissis indutæ , ac crinibus  
fluxis , nudis quoque prorsùs pedibus  
in illa ætatis teneritate iter illud confe-  
cerunt , vt votum ciuitatis ad illam ip-

46 DE VITA PETRI MARCÆ,  
sam ædem perfoluerent. Et ne soli Bar-  
cinonenses eum diligere viderentur;  
preces quoque ad Deum publicè per  
totam prouinciam pro eadem causa vl-  
tro fundebantur à populis aliarum vr-  
bium ac pagorum Cataloniæ, Barcino-  
nensis ciuitatis exemplum secutis. ne-  
que enim quisquam iubebat. Certè in  
vniuersum æstimanti, affirmare licet ne-  
minem vnquam aduenam apud Catala-  
nos tam flagranti desiderio fuisse cele-  
bratum. Marca verò, qui se tot reli-  
giosissimorum hominum votis à morte  
reuocatum esse iudicabat, grates Deo  
pro restituta quondam valetudine acturus,  
& ne insalutatâ Beatissimâ Virgine  
Cataloniam relinqueret, ad Montem-  
ferratum & ipse peruenit anno M.DC.LI.  
Dissertationemque illic iv. Idus Aprilis  
elucubrauit *de origine ac progressu cultûs*  
*B. Mariæ Virginis in Monteferrato*: quæ  
manu ejus scripta, ac nondum edita, in  
archiuo monasterij posita est. En tibi,  
Vir Clarissime, fragmentum ex epistola  
Illustrissimi Mecænatis, quæ id testa-  
tur, data ad Clarissimum Virum Petrum  
Valerum Diazium Iurisconsultum His-  
panum, nunc Rationum in regno Nea-

ARCHIEPISCOPI PARISIENSIS. 47  
politano Præsidentem, qui tum apud Bresconem haud procul Agatha captus detinebatur jure belli: *Nunc superest, Vir Clarissime, ut quam à me literis tuis exigis, reddam de Ioannis Guarini olim Montisserrati cultoris ætate sententiam meam: quæ sic temperata est intra limites veri & falsi, ut hoc repudiato, illud asserat. Ea de re Dissertationem peculiarem illo in monasterio olim scripsi, post veteres illius chartas accurate discussas, cum anno M. DC. LI. illic deprecationis causâ consisterem: quæ Dissertatio, mea manu exarata, reposita est in archivis ejusdem domus à pio viro Batlle tunc Conventus Abbate. Ceterum, cum ea Dissertatio fato quodam deperdita esset, de quo apud Marcam conquestus est R. P. Franciscus Crespus Bagiarum Abbas & sanctæ Theologiæ Professor Regius in Academia Ilerdensi, qui tum Historiam monasterij Monserratenensis scribebat, ejus exemplum ad hunc Abbatem missum est, quum Perpiniæ ageremus. Marca verò sic ad eum rescripsit, præfatus aliqua, in initio epistolæ, de cultu qui debetur Beatissimæ Virginis: Sed præsentem quam supplicibus votis ad ædem Montisserrati conceptis opem*

*præstare solet, ego duobus, iisque grauiſſimis morbis, cùm Barcinone degerem, ferè confectus, experimento didici, ejus patrociniò velut ex ipsis mortis faucibus ereptus. Quare gratias hujus beneficij publicas acturus, superatis montis jugis, ad sacram ædem vetustæ illius imaginis custodem cùm accessissem, vice tabulæ à naufragis appendi solitæ, & montis descriptionem, & conscriptam de oratorij atque imaginis vetustate lucubrationem dicaui: quæ in archiuis domus tunc recondita, cùm hodie non extet, ejus exemplum ad te transmitto. Tum paucis agit de antiquitate loci; admonetque Crespum, ne in ea historia scribenda, falsis, vt Hispani solent, testimoniis vtatur; quæ Gallis, inquit, fabularum istiusmodi detegendarum peritiſſimis, ludibrium debent, & reliquæ narrationi, licèt alioqui veræ, auctoritatem demunt. Ceterùm narrationem rerum à Marca in Taraconensi Hispania gestarum, quæ commentarium integrum postularet, majori operi referuo. Interim his frui.*

Anno M. DC. LI. quum pestilentia Barcinonem inuasisset, Marca mense Martio se contulit in Monasterium sancti Hieronymi Murtenſis, quò singulis æſtatibus

ARCHIEPISCOPI PARISIENSIS. 49  
æstatibus secedere consueuerat: ibique  
aliquandiu commoratus, dein ad Gra-  
nollerium accedens, & ad Ostalricum,  
dum iter Galliarum ingressus est  
mense Iulio. Haud sanè aliàs tristior  
fuit Barcino: ac diem abitionis ejus sic  
vniuersa ciuitas profecuta est, vt lacry-  
mis desiderij futuri dolorem indicaret.  
Celebratur adhuc eorum vaticinatio,  
qui longam malorum seriem prouinciæ  
imminere prædixerunt, quandoqui-  
dem eam Marca deferebat. Neque ta-  
men omnem ejus curam abjecit. Nam  
Margarito, quem ex vrbe ad alteram  
fluminis Besossi ripam, Moncadam in-  
ter & Gruam, x. m. p. à Barcinone di-  
stantem euocauerat prid. Idus Iulij, Ca-  
talanorum salutem & negotia commen-  
dauit: profusisque vtrinque lacrymis,  
tanquam non ampliùs visuri, discessere,  
Margaritus ad tuendam urbem, quam  
paulò post Hispanorum copiæ obsede-  
runt, Marca verò in Galliam. Fuit sa-  
nè semper magna inter eos amicitia; ac  
tanta conspiratio consensûsque virtu-  
tum, vt Marca plurimi faceret Marga-  
ritum, eumque valde amaret; hic verò  
Marcam in primis coleret & observa-

D



50 DE VITA PETRI MARCÆ  
ret, ac velut alterum parentem diligeret. Catalanos porrò omnes, à quibus se plurimùm amari Marca noffet, ipse quoque peculiari quodam semper amore profecutus est; vt omnibus notum est qui Marcam nouerant, & ab eo scriptum est in quadam epistola data ad Eminentissimum Virum IACOBVM CARDINALEM CORRADVM, cui perpetua & constans cum Marca fuit amicitia, & præcipua in eum inclinatio. Ac postquàm in Galliam remeauerat, lætabatur supra modum quum occasiones nanciscebatur ad gratificandum hominibus illius gentis. id quod non rarò accidit. Ceterùm peragrata Catalonia, & Gallia Narbonensi, ad Conforanos tandem perueniens, qui in Pyrenæis Aquitanicis siti sunt, eorum ciuitatem solenni pompa ingressus est III. Non. Augusti: quamquam animus ejus modicis contentus, & inanium contemptor, facilè transmissurus erat hunc triumphalem apparatus, nisi id Conforani efflagitassent non mediocri studio, quò suam in eum obseruantiam publicè testarentur.

Vndecimo dein Kalendas Septem-

ARCHIEPISCOPI PARISIENSIS. si  
bris, KAROLVS DE MONTCHAL AR-  
CHIEPISCOPVS TOLOSANVS, vir sanè  
pius & doctus, excessit è vita apud Car-  
cassonem, vbi tum conuentus Galliæ  
Narbonensis habebatur; cuius corpus  
initio mensis sequentis Tolosam dela-  
tum, supremo officio mandatum est in  
Ecclesia Cathedrali. Inter Episcopos  
verò qui funus curarunt, adfuit & Mar-  
ca; cui vetus cum Karolo fuerat fami-  
liaritas ob similitudinem morum, &  
quia eruditionis fama conglutinat ami-  
citas insignium virorum. Memoria te-  
neo, adstantium oculos in Marcam,  
quem mihi tum primùm videre conti-  
git, præcipuè fuisse coniectos; comi-  
tante jam fama, Archiepiscopatum To-  
losanum ei destinari. Neque reticebo,  
tam magnum virum Karolo visum fuis-  
se Marcam, vt cupiuerit imaginem  
ejus in tabella depictam habere, quò  
eam in bibliotheca sua, quæ magna &  
locuples erat, conlocaret inter illu-  
strum virorum imagines, quibus illa  
erat ornata. Ceterùm ipse Tolosâ pau-  
lò pòst digrediens, Regem adiit, vt ju-  
ramentum fidelitatis, quod vocant, pro  
Episcopatu Conforanensi præstaret

52\ DE VITA PETRI MARCÆ  
præfens præfenti ex antiquo & recepto  
apud Gallos more, nisi Princeps remit-  
tat. Præstitit autem VII. Kal. Febru.  
anni M. DC. LII.

Actum dehinc de Archiepiscopatu  
Tolosano: quem cùm plures Episcopi  
cuperent, peterentque, Marca, licet  
Regis animum nulla prece tentasset,  
ad eum Nominatus est VI. Kalend. Ju-  
nij. Sed operæ pretium est, mi Sorberi,  
fragmentum ex ea epistola heic tibi ex-  
hibere, quamquam alij jam retulere,  
quæ à sapientissimo viro ea de causa ad  
Innocentium X. Pontificem Roma-  
num scripta est; vt deinde melius intel-  
ligere possis præclaram obseruationem  
cujusdam scriptoris, quæ nondum ta-  
men prodiit. *Non me latet*, inquit,  
*quantopere huic oneri ferendo vires meæ*  
*sint impares: quarum tenuitatis apprimè*  
*consciis, ne dignitatem illam exambirem,*  
*planè sum deterritus. Attamen tanti Prin-*  
*cipis de me iudicium fecit, ne illam nec pe-*  
*tenti oblatam detrectarem: ex mero debiti*  
*obsequij officio diuinæ opitulationis certissi-*  
*ma præsidia expectans, si Sanctitatis vestræ,*  
*quæ Christi Domini vices gerit in terris, con-*  
*sensus accedat, & auctoritas, quæ à priori*



*Ecclesia exsoluere, & alteri præponere, Sedis Apostolicæ priuilegio sola potest. Ego sanè polliceri nolim, immensis & insolitis Ecclesiam Tolosanam utilitatibus ex mea translatione auctamiri: sed industriæ qualiscunque meæ probandæ latiore campum in ejus regimine apertum iri, quàm in Ecclesiæ Conforanensis angustis finibus, inficiari non debeo. O me felicem, quando veteris illius atque sanctissimi Sacerdotis Exuperij exemplo, (qui ex Præsidentu in Hispaniis actò Cathedram illam suscipiens, eam deinde rexit juxta pium atque prudens Innocentij primi ad ejus consulta responsum) licebit per Innocentij X. decretum, post gestos Magistratus Regios in Gallia & Hispania, Episcopatus quoque curis functo mihi, Tolosane Sedis administrationem capeffere. Sciebat sanè vir eruditissimus diuersum ab Exuperio Episcopo Tolosano fuisse Exuperium illum, qui Præsidentum in Hispaniis egit. quis enim ignorat? Verùm cùm argumentum esset accommodatissimum ad rem quam tractabat, scirètque præterea Principum aures ita esse formatas, vt nihil nisi jocundum lætùmque accipere velint, vim aliquam inferre veritati non abnuit, vt Pontificem alioqui*

54 DE VITA PETRI MARCÆ  
difficilem ac morosum , sibi fauentem  
ac propitium habere posset. Quod ideo  
retuli , vt eatur obuiam scrupulosæ  
cujusdam scriptoris diligentiae , qui in  
aduersariis suis adnotauit lapsum heic  
esse Marcam : de quo admonitus à me  
vir optimus paucis ante obitum mensi-  
bus , risit hominis supinitatem , qui non  
animaduerneret cuiusmodi argumētum  
in ea epistola tractaretur. Neque enim  
historia scribebatur. Non displicet  
profectò hominibus eruditis, quòd ora-  
tores veri limites nonnunquam exce-  
dunt in compositione verborum , vt  
auditorum aures aliqua voluptate per-  
mulceant , & alliciant.

Sed illud incommodum in primis  
Marcæ accidit , quòd inter tumultus  
domesticos ad Archiepiscopatum To-  
losanum Nominatus , rursus moram  
rerum experiri necesse habuit , variis de  
causis , ac inter alias , quòd Iansenismi  
apud Innocentium accusatus cùm fuis-  
set à maleuolo quodam , cuius nomen  
edere nunc non libet , purgationis oc-  
casio expectanda fuit. Nam originem  
& causas morarum , & qui earum aucto-  
res fuerint , alio in tempore memorabo,

ARCHIEPISCOPI PARISIENSIS. 55  
postquam locus non erit inuidiæ, neque  
periculum ex veritate; quæ, vt ait Poë-  
ta Comicus Afer, plerunque odium  
parit. Quòd nisi Pontifex Constitu-  
tionem suam aduersùs doctrinam Ian-  
senij tum temporis edidisset, futurum  
erat vt Marca sententiam Romanorum  
expectaret vltra biennium. Bene igi-  
tur habet, quòd tandem in Consistorio  
habito x. Kalendas Aprileis anni M. DC.  
LIV. placuit Purpuratis Patribus, &  
eorum Patri Innocentio, vt vir summus  
Ecclesię Tolosanæ post longi temporis  
moras præficeretur. Datum id haud-  
dubiè ingentibus ejus in Ecclesiam &  
Apostolicam Sedem meritis, & votis  
populorum, ac præterea vrgentissimis  
Regis Christianissimi literis, cui Roma-  
norum mora & tergiuersatio in re tanti  
momenti jamdiù displicebat. Sexto  
Kalend. Iulij ejusdem anni, Parisiis, in  
Capella Borbonia nunc diruta, quæ, vt  
scis, haud procul Castro Luparæ vise-  
batur, Marca juramentum fidelitatis,  
vt moris esse adnotaui suprà, Regi Lu-  
douico XIV. præstitit pro Archiepis-  
copatu Tolosano. Et quia vetere insti-  
tuto Romanus Pontifex consuevit Me-

56 DE VITA PETRI MARCÆ  
tropolitanis dare Pallium de corpore  
B. Petri sumptum, *plenitudinem videli-*  
*cet Pontificalis officij*, vt loquuntur vete-  
res & nouæ formulæ, quo in ordina-  
tionibus & certis tantum festis anni die-  
bus in prouincia vti eis licet; illud no-  
mine Innocentij X. Pontificis Maximi  
v. Idus Iulij Archiepiscopo nostro con-  
cessit Dominicus Seguierius Episcopus  
Meldensis, qui Petri Galliarum Cancel-  
larij frater erat.

Sequenti tum mense Nouembri Mar-  
ca profectus in Galliam Narbonensem,  
in cuius conuentibus Archiepiscopus  
Tolosanus habet ius primæ sententiæ,  
mense Decembri aduenit in vrbem  
Monspeliensem; vbi conuentus illius  
anni agebatur à Serenissimo Principe  
Contio, tum è Catalonia reduce. Suum  
hoc iter versibus ipse exposuit, anno  
ætatis suæ sexagesimo: vt inde appareat,  
vires illas mentis, quæ iuuentam quasi  
diuino quodam spiritu ac furore afflant,  
seni non defuisse, viuidamque illi ac vi-  
ridem senectam obtigisse. In postremis  
sic habetur:

*Monspelim aduehimur, quò nos Tractoria*  
*Regis*

*Legitimis promptos euocat obsequiis.*

*Conuentus Occitanæ tunc gentis habebat*

*Contius, Hispano victor ab hoste redux.*

Habito tandem conuentu, Tolosam ad Sedem suam peruenit III. Idus Martij anno M. DC. LV. absque pompa: quam vt euitaret, dixit aduentum in urbem suam in ea incidere tempora, quæ Pontificem prohiberent agere diem festum atque solennem. quippe dies illa fuit Sabbatum ante Dominicam Passionis. Perstititque postea secretis ac publicis sermonibus solennia hæc recusare; adeo vt quum conuentui Narbonensi præsideret anno M. DC. LIX. ac ciuitas Tolosana eum per legatos ac frequentes literas oraret, vt pateretur honores sibi haberi publicè, qui omnium ordinum consensu decreti erant, nunquam ad id animus ejus flecti potuerit. Certè posteritas, quæ suam cuique gloriam sine adulatione rependit, ad eximium quoddam decus & laudem hujus ciuitatis haud dubiè referet, quòd viro optimo & præstantissimo amplissimos & maximos honores habuerit, ac summa obseruantia viuentem coluerit. Neque sua laude fraudat-

buntur Canonici Metropolitanæ Ecclesiæ sancti Stephani. Etenim Pontificem suum Marcam sic per omnem vitam reueriti sunt, vt filij solent parentes, à quibus se plurimum diligere sciunt. Dederunt profectò posteris magnum sapientiæ ac virtutis exemplum; quando subortis aliquoties dissidiorum inter ipsos & Marcam occasionibus, eum omnium suarum controuersiarum iudicem & arbitrum esse non semel scripto rogauerunt; nec vnquam lis inter eos contestata est. id quod, opinor, nemini ante Marcam contigerat Antistiti. Non pœnituit illos istius obsequij; nec est cur pœnitere debeat: atque vtinam tales in futurum nanciscantur Archiepiscopos, qui Marcam aliquo modo referre possint. Sed reuoco me, Sorberi vir clarissime, vt ad id reuertar vnde digredi me coëgit pietas, & optimi viri sancta memoria.

Haud multò post aduentum ejus, habitus est Tolosæ conuentus Episcoporum prouinciæ Tolosanae: in quo cum agendum esset de mittendis delegatis ad Comitìa generalia Cleri Gallicani, Marcam in primis eligi placuit. Isque

Lutetiam mense Augusto ea de causa  
 profectus est. Verùm vix illuc perue-  
 nerat, quum ex præcepto Principis in  
 Galliam Narbonensem remeans, con-  
 uentui ejus præfuit apud Pedenatium,  
 locum amœnissimum, in diœcesi Aga-  
 thensi situm. Interim Cleri Gallicani  
 Comitia Parisiis habebantur. Illuc ita-  
 que Marca se conferens anno M. DC.  
 LVI. perhonorificè in eo cœtu susceptus  
 XIII. Kalend. Aprileis, deinceps in plu-  
 rimis occasionibus ostendit quanta in-  
 genij vi polleret, & quàm præclara eru-  
 ditione ac doctrina præditus esset. Nam  
 auctoritatem Romani Pontificis, quam  
 per summum nefas aliqui deprimere co-  
 nabantur, fortiter & strenuè vindica-  
 uit aduersus æmulos. Gnarum id Ale-  
 xandro VII. qui post absoluta demum  
 Comitia, honorificas ad Marcam lite-  
 ras die XVII. Nouembris anni M. DC.  
 LVII. scripsit: quibus ei grates egit, ob  
 assertam Sedis Apostolicæ dignitatem;  
 & vt deinceps pergeret in eadem reue-  
 rentia, verbis amantissimis hortatus est.  
 Iansenismum verò, tum maximè vires  
 suas colligentem, sic industria & aucto-  
 ritate sua repressit, vt ob hoc ipsum pro-

ROMANAE  
 ARCHIEPISCOPI EMANUELIS

meritus sit iram hominum ejus sectæ, quine mortuo quidem pepercerunt. Et vt extaret monumentum aliquod rerum ab Episcopis Gallicanis aduersùs hanc perfidiam gestarum, scripsit tum temporis hujus rei Historiam, siue *Relationem*; ( sic enim ipse vocauit Gallico vocabulo, cùm Gallicè scripta sit ) quæ in Commentariis Cleri Gallicani descripta, seorsim dein edita est. In ea originem & progressum mali, pertinaciam eorum qui venenum illius hæreseos hauserant, Summorum Pontificum Decreta aduersùs illam, Catholicæ Ecclesiæ consensum, & cetera quæ interim contingere, apertissima & dilucida admodum narratione explicauit, nemine prorsùs adjuuante. Id autem ea de causa visum est adnotare, quòd in epistolam quandam à cœtu illo ad Regem scriptam Kalendis Septembris anni M. DC. LVI. irrepperit, Relationem illam fuisse confectam ab Archiepiscopo Tolosano, & ab alio quodam Episcopo. Tanta autem erat Episcoporum Gallicanorum de Marca opinio, vt quum scribendæ erant literæ de re quapiam graui, hoc ei onus summo consensu im-



ARCHIEPISCOPI PARISIENSIS. 61  
ponerent, vt pro omnibus ipse scriberet; secuti videlicet exemplum Episcoporum Africanorum, qui Aurelium Carthaginis Episcopum eo munere fungivoluerunt in Concilio Carthagenensi; & Episcoporum item Africanorum apud Sardiniam magno numero exulantium iussu Regis Trasamundi, qui Fulgentio Ruspensium Episcopo utebantur in pari causa. *Propterea*, inquit Ferrandus Diaconus Carthagenensis in libro quem scripsit de vita ejus, *quando-  
cunque rescribebant consulentibus, Episcoporum nomina cunctorum dicebantur in titulo: sed solius beati Fulgentij sermo tenebatur in stylo.* Extant sanè nouem epistolæ ad Sanctissimos Ecclesiæ Romanæ Antistites à Marca scriptæ nomine Episcoporum Gallicanorum, quarum pleræque sunt editæ: quæ licèt aliorum Episcoporum nomina contineant, ab vno tamen Marca dictatæ sunt. Extant præterea quamplures epistolæ ad diuersos scriptæ ab Episcopis Gallicanis, quarum auctorem esse Marcam satis compertum est.

Nunc ad me veniendum est, mi Sorberi, & ad tempus illud, quo me vir optimus in familiaritatem suam

recipiens, contubernalem etiam suum esse voluit. O felicem illum diem, & æterna memoria dignum: nisi is ipse post sexennium rediens, tam atrox animo meo vulnus infixisset, ut lætitia illius diei nequaquam cum præsentī dolore comparanda sit. Quippe in familiam ejus admissus anno M. DC. LVI. III. Kalendas Iulij, quæ dies Iouis dicebatur, horâ ferè vñdecimâ, aut non multò secùs; eodem die, Iouis quoque dicto, & eodem fermè momento expirantem (proh dolor!) hoc anno vidi. Habebam ego Tutelæ Lemouicum, in ædibus Clarissimi viri IOANNIS KAROLI BALVZII patris mei, quum Marca, qui antea quoque pro sua singulari humanitate plures ad me literas familiares manu sua dederat, IOANNI BALVZIO fratri meo, qui tum Lutetiæ morabatur, & ad visendum eum venerat, epistolam ad me mittendam tradidit: quæ me, nunquam sibi de facie notum, verbis honorificentissimis & amantissimis Lutetiam euocabat, ut apud eum essem, & ut de studiis nostris inter nos (quidni enim ejus verba referam?) communicaremus. Neque dubitatum est, quin

ARCHIEPISCOPI PARISIENSI. 63  
mihi meisque rebus conducere isthæc  
ocasio. Itaque Tutelâ discedens A. D.  
xviii. Kalend. Iulij, Lutetiâque  
postea adueniens, apud Marcâ habi-  
tare cœpi, vt dixi, iiii. Kalend. Iulij: ac  
ex illo die assiduus ei comes, ita vt quoad  
possem ab ejus latere nunquam disce-  
derem, siue in vrbe esset, siue peregrè  
proficiscebatur, didici quantum homo  
homini præstet, & doctus indocto. Ne-  
que enim vnquam ad eum accedebam,  
in tot annorum spatio, & in tam fre-  
quentibus interrogandi audiendive oc-  
casionibus, quin abirem doctior. Erat  
namq; tantus ejus amor, vt me nihil ce-  
laret suarum obseruationum: eâq; me fa-  
miliaritate apud ipsum vti concessit, vt  
liberè interrogarem si quid inter stu-  
dendum occurrisset quod assequi facilè  
non possem. Iam ea erat in eo bonitas, vt  
persæpe anteuenteret quæstiones meas,  
mecumque lubentissimè communicaret  
quod ipse recenter adnotauerat. In li-  
bris autem componendis, haud dubiè  
nemine alio studiorum socio & adjuto-  
re utebatur, quàm me ipso: id quod  
vir optimus non tacuit, & tu omnium  
optimè nosti. Annon præterea existi-

64 DE VITA PETRI MARCÆ  
mas, SORBERI, alicujus esse momenti,  
quòd omnem schedarum ac lucubratio-  
num suarum supellectilem mihi vni vi-  
uens commisit, ac moriens reliquit?  
Annon pulcrum & decorum est, quòd  
vbique apud amicos, quòd scriptis  
etiam literis, hoc quicquid in me est  
ingenij & bonarum literarum laudibus  
prosequeretur; vt omnes intelligerent  
me ab eo non mediocriter amari, & ali-  
quo apud eum in pretio esse? Sed ne  
videar heic Thrasionem agere, superse-  
deo, & ad seriè narrationis me rur-  
sum conuerto.

Nondum finis impositus erat Comi-  
tiis Cleri Gallicani, quæ anno demum  
M. DC. LVII. A. D. X. Kalendarum Iu-  
nij dimissa sunt, quum derepente in-  
faustis auspiciis prodiit libellus famosus,  
sub titulo Epistolæ ad Illustrissimum  
Dominum de Marca Archiepiscopum  
Tolosanum, quo ejus fama atrociter  
proscindebatur, & auctoritas Romanæ  
Sedis per summam audaciam apertè  
violabatur. Libellum hunc secutus est  
alius, haud moderatior; & ipse, vt  
prior, absque auctoris nomine. Cense-  
bant plerique amicorum, præclarè fa-  
cturum

cturum Marcam , si nebulonum isto-  
 rum improbitatem retunderet ; vt vni-  
 uersi agnoscerent putidas eorum calum-  
 nias , & vt eos suæ puderet impudentiæ.  
 Alij contrà , inferius dignitate & graui-  
 tate ejus rati , si quicquam reponeret ,  
 præsertim cùm impostorum nomina  
 ignorarentur , suadebant ne sibi hunc  
 laborem ascisceret , nèue luctaretur cum  
 umbris. Ipse , vtrum respondendum  
 esset , meditationi suæ reliquit : ac tan-  
 dem abstinendum censuit ; contemnen-  
 dos existimans , vt ipse aiebat , laten-  
 tes post columnas mali nominis debi-  
 tores. Itaque is honor audacibus illis  
 scriptoribus non obtigit , vt in eos styli  
 mucronem Marca stringeret. At Ro-  
 mæ , & Lutetiæ , libri eorum publicis  
 Edictis prohibiti sunt , & cremati ; vt  
 illic quoque esset Concordia Sacerdo-  
 tij & Imperij : quemadmodum ipse  
 scriptum reliquit in quadam epistola.

Anno M. DC. LVIII. VII. Idus Apri-  
 lis , incidit in grauem morbum , quem  
 pleuritim medici vocant à dolore late-  
 rum , quo tantùm non periit ; ac Via-  
 ticum , vt nos Christiani vocamus , tan-  
 quam discessurus , accepit ; tribuente,

vt optauerat ægrotus, Illustrissimo Ap-  
pamiarum Episcopo Cauleto, Suffraga-  
neo Ecclesiæ Tolosanæ, qui tum fortè  
Lutetiæ aderat. Conualuit tamen ex eo  
morbo; ac mense Maio, ex medicorum  
sententia, in villam Issiacum in agro Pa-  
risiensi sitam, quæ IV. M. P. abest ab vrbe,  
se contulit, vitandi caloris causâ, & vt  
procul vrbis impedimentis, valetudini  
daret operam. In hac solitudine, si ta-  
men solitudo vocandus est locus in quo  
tantus vir degebat, respirare paululum  
cœpit, & priuati viri vitam aliquantif-  
per egit. Inuisebant eum amicorum in-  
timi, non ob aliud, quàm vt lætos cum  
eo dies agerent, & sic valetudini ejus  
consulerent; vt tu, Vir Clarissime, me-  
minisse potes, qui aliquoties illuc ve-  
nisti. Igitur confirmatus à morbo, & à  
nouis tentationibus, cogitauit de pro-  
fectione in suam diœcesim, à qua eum  
abduxerat rerum publicarum necessitas:  
eamque ob rem libros suos, schedas,  
supellectilem denique omnem, Tolo-  
sam præmisit, mense Augusto.

Sed cum ad profectionem se diligen-  
ter præpararet, cui necesse posse moras  
non prouidebat; præter expectationem

ARCHIEPISCOPI PARISIENSIS. 67  
ac desiderium suum, Lutetiæ retentus  
est jussu Principis. Et quia ipse, quò  
licentiam abeundi faciliùs impetraret,  
aiebat, sibi decorum non esse vt absque  
vlla causa aut priuata, aut publica, abes-  
set à sua diœcesi; inuenta est ratio, quâ  
scrupulus omnis ex animo ejus euellere-  
tur; adlecto videlicet eo in numerum Mi-  
nistrorum Statûs. Ita vocant eos quos  
Princeps secretis suis propiùs admo-  
uet, & quorum consiliis vtitur in repu-  
blica administranda. Diploma tamen  
statim datum non est, ob subitum Re-  
gis discessum, & præcipitem profectio-  
nem ad vrbem Lugdunensem; ac in  
Burgundia demum confectum est, apud  
Diuionem, xvii. Kalendas Decembris.  
Haud pigebit compendio referre ver-  
ba hujus diplomatis: in quo Princeps  
ait, se, quum intimum Consilium crea-  
ret, statuisse vnum etiam Antistitem in  
illud admittere, quò suam in Clerum  
Gallicanum inclinationem ac propen-  
sionem indicaret. Et quia agnouerit  
neminem Episcoporum Gallicanorum  
hoc honoris gradu digniorem esse  
quàm Marcam, ob singularem intelli-  
gentiam ejus & probatam longâ expe-

rientiâ in negotiis publicis industriam, tum etiam ob magna ejus in rem Gallicam domumque regnatricem merita, quibus omnibus rebus bonam de se existimationem, magnam famam, & benevolentiam regiam populorumque promeritus sit, cum sapientiam consiliorum ejus consecuti semper sint euentus felices; his videlicet de causis sibi visum esse, ut vir ille, cujus præterea majores magnam reipublicæ operam nauauerint in iis rebus quæ ad religionem Catholicam stabiliendam & ad prosperum Regni statum conseruandum pertinuerunt, ad dignitatem Ministri Statûs vocaretur, ut deinceps in omnibus Regiis Consiliis haberet jus sententiæ. Neque profectò Princeps sapientissimus silentio transmisit res ab eo præclarè gestas domi, forisque. Summis enim laudibus extollens sapientiam judiciorum ejus, quandiu Senator & Præses fuit in Parlamento Palensi, ac deinceps postquam inter Consistorianos admissus est; flectens postea ad prudentiam ejus in exercendo munere Visitatoris Generalis Cataloniæ, ait administrationem ejus, quæ septem per annos du-



ARCHIEPISCOPI PARISIENSIS. 69  
rauerit , eò majori dignam præconio,  
quòd in difficillima tempora inciderit,  
planèque opus fuisse prudentia ejus &  
caritate in rem publicam , vt regia auc-  
toritas in ea prouincia retineretur.

At Marca jussus Principem sequi, Pari-  
siis discedens III. Nonas Nouemb. Lug-  
dunum peruenit XVII. Kal. Decembris:  
quò paulò pòst aduenere etiam Dux &  
Ducissa Sabaudia, ac sorores Ducis , vt  
Regem Ludouicum XIV. matrèmque  
ejus Annam Austriacam , & Philippum  
Ducem Andegauensem , illic agentes,  
inuiserent. Vidimus autem in ea vrbe  
Eminentissimum Cardinalem HIERO-  
NYMVM GRIMALDVM Aquarum Sex-  
tiarum Archiepiscopum : quem suis  
apud Antonium Cardinalem Barberi-  
num officiis adjuuisse Marcam suprà re-  
tuli , quum Sedis Apostolicæ Nuncium  
ageret apud Ludouicum Regem anno  
M. DC. XLIII. neque filebitur in tem-  
pore quàm non vulgari amicitia Mar-  
cam ea tempestate honestauerit. Vidi-  
mus etiam amicum illum tuum , de quo  
tam frequenter loqueris , Illustrissimum  
Virum IOSEPHVM MARIAM SVARE-  
SIVM Episcopum Vasionensem , cui ma-

gna cum Marca intercedebat amicitiae necessitudo ; quique me aliqua sua beneuolentia profecutus est , & quibusdam memoriis ornauit vsui futuris in libris meis *De vita rebúsque virorum illustrium Lemouicensium*. Marca porro Lugduni commoratus vsque ad Idus Ianuarij anni insequentis , ea die , Rege Lute-  
tiam redeunte , ipse ex præcepto ejus Narbonem petiit , conuentum Galliae Narbonensis illic habiturus. Igitur Ararem nauigio ingressi propter Athanacum , vbi quondam Augusti aram fuisse conlocatam docuit Mecænas in libro de Primatu Lugdunensi , in Rhodanum mox delabimur ; ac Viennam , Valentiam , Auenionem , Tarasconem , Belliquadrúmque ( Vgernum olim dictum ) præteruecti , Arelatem demum peruenimus A. D. XVII. Kalendarum Februarij : vbi ab Illustrissimo Viro FRANCISCO GRIGNANO ciuitatis illius Archiepiscopo , & ipso intimo haud dubiè Marcæ amico , splendide ac peramanter hospitio accepti sumus. Postridie transgressi in Galliam Narbonensem , proxima nocte diuersati in oppido sancti Ægidij , ac sequenti die in Mon-

ARCHIEPISCOPI PARISIENSIS. 71  
te-Pessulano , dein XIII. Kalend.transi-  
to Araure fluuio , propter quem olim  
situserat vetus Cessero , Biterras per-  
uenimus. Narbo nos deinde hospites  
habuit XII. Kalend. Februarij.

Illic agendo conuentui maximè in-  
tentus Marca , interuallis tamen nego-  
tiorum utebatur ad noscendas antiqui-  
tates vrbis. Aderat Illustrissimus BOS-  
QVETVS EPISCOPVS MONSPELIENSIS:  
lætabatúrque , quòd vir sibi amicissi-  
mus tantam curam Narbonis , vnde  
ipse ortus est , haberet : ac simul loca  
circumjacentia inuisebant , scrutantes  
secreta maris , & vasta stagnorum spa-  
tia dinumerantes ; stupendámque vete-  
rum Romanorum industriam & auda-  
ciam mirati sunt , qui alueum , rupto  
etiam aliquot in locis saxo , Ataci flu-  
mini ædificauerunt in medio stagno per  
immensum spatium. Instituerat equi-  
dem Marca peculiarem librum edere,  
quo singillatim de his omnibus rebus  
differeret. Erant enim quamplurima  
notatu digna ; sed quæ tamen eruditum  
scriptorem desiderarent , vt obscura  
fabulis , & à veritate ab vtero aberran-  
tia , in viam reducerentur. Verùm omi-

fit hoc consilium, postquam anno sequenti nactus occasionem de iis agendi, nihil eorum prætermisit in libris quos scripsit de limitibus Galliæ Narbonensis & Hispaniæ Taraconensis. Ceterum cum illic agentem atrox casus perculit; mors videlicet Archiepiscopi Narbonensis, à quo ordinatum esse Marcam suprà retuli: qui vita excedens apud Narbonem xvii. Kalend. Aprilis, quatrduo post ingenti luctu provinciæ sepultus est in Ecclesia Cathedrali, sacra funeris peragente Marca. Tum verò peracto conuentu, Narbone excedens pridie Kalend. Aprilis, iii. Nonas Tolosæ se reddidit.

Tum temporis Eminentissimus Cardinalis Mazarinus in extremos Galliarum limites profectus, apud vicum sancti Ioannis Luziensis ad Oceanum constitit, in diœcesi Baionensi; quò eum accedere compulerat desiderium reuocandæ pacis inter potentissimos Galliarum & Hispaniarum Reges, jamdiù de gloria magis quàm de imperio certantes. Illuc Mazarinum affectus Marca, & ab eo comiter ac benignè acceptus, ac secretorum ejus aliquoties par-

ARCHIEPISCOPI PARISIENSIS. 73  
ticeps factus, non antè recessit, quàm  
ab ipso admonitus est Regem breuî To-  
losæ adfuturum, vbi conuentus Occi-  
taniæ habendus insuper erat. Intelle-  
xit Marca aperiri sibi viam reditus in  
suam diœcesim. Itaque ea protinus  
arrepta, in Benearnum denuo pergens,  
( nam antea illic quoque fuerat mense  
Iulio ) dein ad Vicum Aquensem, quem  
ob aquarum salubrium copiam vulgato  
vocabulo Vasconico BAGNERIAS nun-  
cupant, demum Tolosam se retulit VII.  
Kalendas Octobris.

Haud multò pòst, aperiuntur Co-  
mitia Occitaniæ apud Augustinianos:  
atque interim Rex Ludouicus XIV,  
Philippus ejus frater, & amborum mater  
Anna Austriaca, Tolosam aduenere pri-  
die Idus Octobris, cum amplissimo to-  
tius aulæ comitatu. Aduenientes Marca  
excepit in introitu Ecclesiæ Cathedra-  
lis, vestibus Pontificalibus, vt fieri so-  
let, indutus; habita quoque breui ad  
Principem oratione, qua testaretur læ-  
titiam apud eas gentes conceptam ob  
pacem factam, & ob aduentum ejus in  
hanc urbem. Dein supplicationes Deo  
actæ. Ceterùm ea fuit Marcæ felicitas

in his Comitibus, in quibus præfedit, ut & priuilegiorum prouinciæ conseruandorum rationem inuenerit, ( quod illi maximam apud populos gloriam peperit, eorúmque in eum amorem mirificè auxit ) & Regi insuper fidem suam probauerit. Sanè post actum conuentum, ipse, comitantibus omnium ordinum in Comitibus consistentium viris, ad Palatium Archiepiscopale, ubi Rex cum tota familia regia habitabat, progressus, ut moris est, munera prouinciæ maiestati ejus obtulit VI. Kal. Ianuarij; habita quoque oratione plena dignitatis, & eruditionis accommodatæ auribus Principis.

Anno M. DC. LX. mense Ianuario habitus fuit conuentus Episcoporum prouinciæ Tolosanæ: in quo, ut in superiore, actum fuit de mittendis delegatis ad Comitibus generalia Cleri Gallicani; ac præterea de eligendo Agente generali in rebus Cleri, cujus electio eo anno pertinebat ad Episcopos Tolosanos. Piget referre historiam hujus conuentûs, nimium profectò cognitam ex sermonibus hominum, & ob pertinaciam contendendum de administratione illa. Neque aliud à te, Vir Clarissi-

me, aut tui similibus exegerim, quàm ne refricetis obductum vulnus, néve traducere velitis eos qui silentij mei auctores sunt. Satis illi pœnarum viro optimo dederunt.

Iam antea Mazarinus, cùm facta pace Tolosam venisset, Marcæ significauerat Regem in eum coniecisse oculos, vt vnâ cum Illustrissimo Viro Hyacintho Serronio Episcopo Arausicano, qui Perpiniâni apud Ruscinones morabatur, & cum iis viris quos Hispaniarum Rex ob eandem causam missurus erat in eas regiones, expenderet qui fuerint olim limites Galliæ Narbonensis & Hispaniæ Taraconensis, in ea Pyrenæorum montium parte. hanc enim esse conditionem pacis, vt Gallia coërceatur intra suos limites antiquos, quâ Cataloniam attingit. Igitur Tolosa digressi A. D. XI. Kalendarum Martij, ad Carcassonem citò, Dein Liuianam, Narbonem, Leucatan, ac Salsulas, nota priscis scriptoribus nomina, peruenientes, postremò Perpinianum ingressi sumus v. Kalendas: vbi Marca habitauit in ædibus Iosephi Margariti, veteris amici. Aduenientes porrò nos splendide accepit Arausica-

nus Episcopus; obuiam etiam progressus usque ad Salsulas, quæ X. M. P. ab-  
sunt à Perpiniano. Quin & vrbs Perpi-  
nianensis, quasi conuulsa sedibus suis,  
ad excipiendum spectandûmque Mar-  
cam effusa, obuiam quoque ei processit  
usque ad aliquot milliaria. Ipse verò  
inter venerantes gratantésque aspicie-  
batur, eò lætior, quòd durare viros in  
amicitia, & abesse adulationem intelli-  
geret, ac præterea apud eos valere me-  
moriam veteris sui erga eos amoris, &  
rerum ab eo præclare gestarum in his  
regionibus. Intererat videlicet jam tum,  
quod est pulcherrimum, posteritati suæ.  
Vidimus Perpiniani venientes apud eum  
Catalanos, non ob aliud, quàm vt sui  
in eum amoris abundantiam illi osten-  
derent: viri boni, si se amari intelligant;  
aspera & dura, si se contemni nouerint.

Expectabantur interim Hispanici dele-  
gati; quos rumor erat statim adfuturos,  
ac Marca peruenisset ad Ruscinones.  
eam solam esse causam morarum. Intel-  
leximus postea commentum id fuisse,  
quum vidimus eos adeo lentè festinare,  
vt non antè loco se mouerint, quàm no-  
stri ad Mortaram, tum Cataloniam loco



Regis Hispani tenentem, misissent Abbatem Arularum, qui fuerat olim in familia Marcæ, rogaturum ut eorum protectionem vrgeret, & ut cum eo consultaret de loco ubi commodè tractari posset limitum vtriusque regni definitio. Tandem igitur aduenerunt CERETVM XIII. Kalendas Aprilis: quò se quadri-duò antè contulerant Marca & Serronius, ne illis mora vllò pacto imputari posset, cùm ex Abbate audiuiſſent de eo loco inter ipsum & Mortaram conueniſſe, & delegatos breuì aduenturos. Ceretum porrò, oppidulum est satis amœnum, haud procul Teco flumine, XVI. M. P. à Perpiniano, in extremis fermè Comitatus Ruscinonensis finibus. Nam ad quartum ab eo milliarium spectatur castrum Bellaguardiæ; infra quod viſebantur olim trophæa Pompeij in Summo Pyrenæo posita, quæ, ut docet Strabo, Hispaniam & Galliani determinant. isque locus hodie est in confinio Galliarum & Hispaniarum.

Duo illi viri, quos Rex Hispanus cum Marca & Serronio committere voluit, erant Catalani, atque ideo rei quæ tractanda erat propiores; viri sanè gra-

78 DE VITA PETRI MARCÆ  
ues, & huic negotio non prorsus impa-  
res. Qui primas tenebat in hac delega-  
tione, Eques erat Ordinis D. Iacobi,  
vocabaturque Michaël Salba; vir seue-  
rus & tristis, vultusque ad gravitatem  
compositi. Alteri, qui Catholici Regis  
Consiliarius erat in Senatu Cataloniæ,  
nomen fuit Iosepho Romeo, ingenio-  
sissimo viro, & festiuo, vtpotè Derto-  
fensi; & salutauerat Musas. Cum his  
Marca apud Ceretum expendit veterum  
loca, quæ Ruscinonensem tractum ac  
circumjacentes populos Galliis assignât;  
initio ducto à Promontorio Aphrodi-  
sio, in quo Templum Veneris, & Cerua-  
ria loco, qui Galliæ finis dicitur à Mela.  
Tum Melæ locus explicatus, nouâ ra-  
tione; adductis auctoritatibus ex Sæcu-  
lo Flacco, & ex libris Dolabellæ. Reje-  
cta & explosa Ferdinandi Nonij, homi-  
nis Hispani, editio: qui absque vlla ve-  
rusti codicis auctoritate, & contra con-  
stantem omnium editionum ac librorum  
fidem, vim etiam apertam inferens bonæ  
menti, si qua in illo fuit, textum Melæ  
audacissimè, ne quid grauius dicam, cor-  
rupit; vt Hispanis suis gratificaretur.  
Disputatum, an monasterium sancti Pe-

ARCHIEPISCOPI PARISIENSIS. 79  
tri Rodensis, vltra quod aliqui aiebant  
Templum Veneris fuisse situm in altera  
Promontorij parte, intra Gallias retine-  
ri deberet; tametsi à longo tempore fue-  
rit in regione Emporitana, quæ dubio  
procul Hispaniarum portio semper fuit.  
In disputationem quoque venit Comita-  
tus Confluentinus; asserentibus Hispa-  
nis eum olim pertinuisse ad Comitatum  
Ceretaniæ, ac distingui debere à Rusci-  
nonensi; contrà affirmante Marca, eum  
semper fuisse in diœcesi Helenensi, &  
partem quondam Ruscinonensis Comi-  
tatûs. Capfirium etiam, (quis crederet?)  
exiguus terræ angulus, vbi Atax fluuius  
Gallicus oritur, in controuersiam dedu-  
ctum est; licèt olim fuerit in diœcesi  
Narbonensi, & nunc sit in diœcesi Ale-  
ctensi, quæ à Narbonensi resecta fuit  
auctoritate Ioannis XXII. Pontificis Ro-  
mani. Quæsitum postea, an Ceretani,  
vt hodie intelliguntur, fuerint olim intra  
terminos Galliarum, an verò Hispania-  
rum portio. atque heic à Marca obiter  
emendata est vulgata Strabonis versio à  
Gulielmo Xylandro confecta, quæ Ce-  
retanos ait esse gentem Hispanicam;  
ostensumque est, Græcum Strabonis



textum nihil aliud docere, quàm Cere-  
 tanos esse maximam partem Hispanicæ  
 gentis, atque adeo aliquam Ceretaniæ  
 partem Galliis attribuendam. quod vt  
 obserues, te moneo, atque hortor, Vir  
 Clarissime. Itum dein ad Vrgellenses, &  
 vicinos illis populos: quos ea de causâ,  
 inter ceteras, ad Gallos pertinere debe-  
 re aiebat Marca, quòd in Pyrenæi iugo  
 positi sint, vt docent Eginhartus & Poë-  
 ta Saxonicus; & quòd Ecclesia Vrgel-  
 lensis à Karolo Caluo Francorum Rege,  
 cuius Præceptum authenticum vidimus  
 ex archiuo illius Ecclesiæ ad Marcam de-  
 latum, inter ceteras Septimaniæ, quæ  
 Galliæ pars est, posita esse videatur.  
 Addidit, totum Vrgellensem tractum eo  
 tempore in Septimania fuisse; quando-  
 quidem Ludouicus Pius Imperator in  
 Præcepto suo quod item authenticum  
 vidimus ex archiuo ejusdem Ecclesiæ al-  
 latum, monasterium sanctæ Gratae, quod  
 erat in diœcesi Vrgellensi, vult frui ea-  
 dem libertate, & iisdem priuilegiis, qui-  
 bus cetera monasteria intra Septima-  
 niam posita fruebantur. Intellexerunt  
 Hispani sibi rem esse cum magno viro, &  
 antiquitatis peritissimo. Itaque cùm non  
 viderent

ARCHIEPISCOPI PARISIENSIS. 81  
viderent vias exeundi ex his difficultati-  
bus, ac tamen nollent sibi quicquam im-  
putari posse, totum negotium de indu-  
stria conturbarunt, specie reuerentiæ  
erga duos Administros Regios; missis  
dum ad eos codicillis apud Ruscino-  
nes in Prioratu B. Mariæ de Campo con-  
fectis VIII. Kalend. Maij, in quibus con-  
tinebantur diuersæ eorum sententiæ cir-  
ca limites in Pyrenæo figendos. Ceterum  
hæc quæ dicta sunt, quamquam interfue-  
rim omnibus testis oculatus, tamen ex  
Relatione vberima quam de iis rebus  
Marca scripsit, quæque ab eo missa est  
ad Amplissimum Virum MICHAELEM  
TELLIERIVM amicum suum, bona fide  
excepi; quod non vsque adeo credere  
velim meæ memoriæ, vt si quæ scripto  
tradita sunt, non existimem consulenda.

Discedens autem Marca Perpiniano,  
vbi grauitè ægrotauit, *Dissertationem*  
*reliquit de theca reliquiarum sancti Ioan-*  
*nis Baptistæ quæ seruatur in Ecclesia Do-*  
*minicanorum Perpinianensium*, à se com-  
positam per interualla febris, ac Patribus  
illis traditam VI. Nonas Maij. qua die  
iter ingressi sumus, Tolosam redituri. Eò  
cùm peruentum esset postridie Nonas,

neque satis virium Marca haberet ad conficiendam viam vsque ad vicum sancti Ioannis Luziensis, vt illic Regi ac Cardinali Mazarinque Pacis arbitro rationem redderet rerum à se apud Ruscinones gestarum, sententiàmque suam coram promeret, quæ apta videbatur ad finiendam controuersiam de limitibus Cataloniae & Galliae Narbonensis; mihi, quo ipse amanuensi in his omnibûsque aliis rebus utebatur, onus imposuit deferendi illuc comprehensam scripto sententiam suam, manu propria subscriptam. Haud dubiè aduentus meus Hispanorum consilia turbauit, spe jam & opinione Ceretaniam omnem deuorantium: tandèmque cò ventum est industriâ ac sapientiâ Mazarini, qui consiliis & eruditioni Marcæ plurimum tribuebat, vt relictis prorsùs intra Gallias Comitatibus Ruscinonis & Confluentis, Capfiriòque, & Valle Querolij, magna etiam Ceretaniæ pars nostris finibus accederet, juxta nouam Strabonis interpretationem. Tum verò redux ego apud Tolosam, conualescentem ex recenti morbo Marcam reperi: qui paulò pòst ad castrum Archiepiscopale, cui Balma-

rio nomen est, secundo ab vrbe lapide, secedens, illic operam dedit explicandæ huic nobili controuersia de limitibus regnorum. de quo libro, quoniam occasio tulit, pauca differam; vt interim dum editio ejus adornabitur, sciant curiosi antiquitatis quid in eo contineatur.

Instituerat olim Marca, qua erat in Cataloniam ac Catalanos propensione, historiam illius gentis scribere, quam magna ex parte confecerat in secessu Murtenfi, haud procul Barcinone, vbi duos libros composuit ex quatuor quos meditabatur. Titulus autem eorum erat, CATALONIA ILLUSTRATA. Mutandæ inscriptionis occasio & causa fuit delegatio regia ad inuestigandos veteres regnorum limites. Quippe cum legendo deprehendisset totum illum tractum, de quo controuertebatur, ab Eginharto aliisque illius æui annalium scriptoribus aliquando vocari *Marcam Hispanicam*, interdum verò *Limitem Hispanicum*; vsus est opportunitate materia, vt Libro titulum faceret de suo nomine. Itaque sic inscriptus est: MARCA HISPANICA, *sive* LIMES HISPANICVS. In libro primo, proponit Geographicam descri-

ptionem Comitatum Ruscinonis, Confluentis, & Ceretaniæ, dein tractûs Vrgellensis, & circumjacentium populorum, Capsiûque, & Querolij, & si quæ aliæ regiones in quæstionem veniebant. Causas dubitandi in vtramque partem adfert, & rationes decidendi; emendatis per occasionem, aut illustratis veterum scriptorum locis, quibus in hac operis parte vtitur. Tum conquistata origine Atacis fluminis, quem Polybius Narbonem nominat, digreditur paulisper ad antiquitates vrbis Narbonensis, cujus mœnia priscis temporibus alluisse Atacem manifestè probat contra recentiorum quorundam opinionem. Capitolium Narbonis, ac Thermæ, vbi fuerint, indicat. Septimaniæ vocabulum recens, & serò repertum, nimirum post pulsos à Gotthis Romanos, vnde à Sidonio effectum sit, nouè prorsùs ac dilucidè explicat; deducens videlicet originem ejus, non à Biterrâ Septimanorum, vt plerique, sed ab ea Septem Prouinciæ portione quæ Gotthis cesserat jure belli, quam Sidonius vocat Septimaniam Gotthorum. Inuestigat, vbinam hodie sit Illiberis, magnæ quondam vrbis &



ARCHIEPISCOPI PARISIENSIS. 85  
 magnarum opum tenue vestigium ;  
 vtrum sit ipsa ciuitas Helenensis , an  
 verò Caucoliberis : ac pro Helena defi-  
 nitum. Titi Liuij locus de Illiberi expli-  
 catus , & illustratus. Ostenditur hal-  
 lucinatio eorum , qui Concilium Elibe-  
 ritanum apud Caucoliberim celebra-  
 tum fuisse volunt , decepti affinitate no-  
 minis. Generales dein regulas ad deter-  
 minandas regiones proponit , petitas ex  
 verticibus montium , diuergiis aqua-  
 rum , & finibus diœceseon. In se-  
 cundo libro agit de vetustis populis  
 Cataloniae , seu Hispaniae Taraconen-  
 sis ; & quam prouinciæ illius partem  
 quisque eorum occupauerit. Non  
 prætermittuntur noua nomina , &  
 inuentæ dein vrbes aut oppida. Habet  
 insuper egregiam & elegantem Montif-  
 ferrati descriptionem. In tertio demum  
 describit historiam illarum partium , à  
 temporibus Pipini Francorum Regis  
 vsque ad Hugonem Capetum ; *præcipuè*  
*incumbens* , vt ipse ad Valerum Diazium  
 scribit , *rebus Ecclesiasticis explicandis , vi-*  
*delicet descriptioni bellorum aduersus inimi-*  
*cos crucis Christi gestorum , siue Saraceni , siue*  
*alio quolibet nomine appellentur : non omil-*

86 DE VITA PETRI MARCÆ  
sis Ecclesiarum constructionibus, monasteriorumque & aliorum piorum locorum foundationibus. *Nec inuideo*, inquit ipse in epistola ad Lucam Holstenium, *Regum nostrorum gloriæ, quorum operâ, à temporibus Pipini usque ad Hugonem, religio in illis partibus restaurata est.*

Perfecto demum opere, postquam caniculæ furentis æstus deferbuerat, Marca cogitavit de profectioe in urbem regiam. Ergo Tolosam relinquentes pridie Nonas Septembris, Burdegalam aduenimus vii. Idus, ubi Vir Illustrissimus HENRICVS BETHVNIVS BURDEGALENSIS ARCHIEPISCOPVS, qui semper constans in amicitia Marcæ fuit, eum detinuit per biduum, ut suum in eum amorem illi ostenderet. Dein per Santones, & Engolismenses, Pictonésque transeuntes, ceterosque regiæ illius viæ populos, Lutetiam demum peruenimus ix. Kalendas Octobris.

Septimo dein Idus Martij M. DC. LXI. vita concessit Eminentissimus Cardinalis Mazarinus, inedia, purgationibus, & vi ipsius morbi, qui diuturnus fuit, consumptus. Morte ejus distracta est Ludouici domus. Nam quæ vnus ani-

ARCHIEPISCOPI PARISIENSIS. 87  
mo regebantur, separari deinceps ac  
diuidi cœpere; Principe tamen sum-  
mam rerum in se trahente, ac vigentem  
se & parem ingentibus negotiis osten-  
dente. Igitur assignato cuique munere  
suo à Principe, rebus Ecclesiasticis cum  
majestate ejus tractandis admotus est  
Marca; cùmque eo Illustrissimi Viri  
Henricus Lamoignon Hodencurius Rhe-  
donensis Episcopus, quo ego nunc Me-  
cenate fruor, Harduinus Perefixa Ru-  
thenorum item Episcopus, & R. P. An-  
natus Presbyter è Societate Iesu, qui  
conscientiam Principis regere solet.  
Illud autem singulare eo die accidit,  
quòd cùm electio de viris illis à Rege  
facta nota vbique esset, & apud om-  
nes peruulgata, vnus tamen Marca  
fortunæ suæ ignarus erat; donec ius-  
su Ludouici adueniens in ædes ejus Pe-  
refixa, qui eo demum mortuo ad Ar-  
chiepiscopatum Parisiensem Nomina-  
tus est, hunc illi nuntium attulit ex  
insperato. Ea porrò insecuta sunt tem-  
pora, quæ latere Marcam non sine-  
rent, industriamque ejus ac doctrinam,  
ob magna quæ suborta sunt negotia,  
desiderarent. Animus non est ea perse-

qui ; tum quia de omnibus longum esset dicere ; tum etiam quòd quædam omittere in præsens juuat, ob recentem inuidiam, cui imparem me esse agnosco : quæ tamen dato tempore non recticebo , cùm vitam optimi Mecænatis paulò vberius describere aggrediar.

Kalendis dein Nouembris, post confecta feliciter negotia quorum causâ ex Fonte-Blaudi Lutetiam jussu Regis Marca venerat vnâ cum Illustrissimo Viro Cœlio Picolomineo Nuncio Apostolico , grauitè ægrotare cœpit, ac tam atroci morbo, vt licèt ex eo emergeret, satisque firma valetudine vti visus sit per aliquot menses, nunquam tamen prorsus conualuerit. Composuit illa tempestate Gallicâ linguâ Dissertationem *de Infallibilitate Papæ*, quam ego ab ore dictantis excepi. Ea fuit postrema lucubrationum ejus.

Extremo anno Eminentissimus Cardinalis Retzius Archiepiscopus Parisiensis, in gratiam reduci cupiens cum Rege, à qua jamdiù exciderat, ejus animum per amicos tentauit ; ac Princeps optimus passus est frangi seueritatem suam, vt longi exilij tædium toleran-

ARCHIEPISCOPI PARISIENSIS. 89  
tem in gratiam recipiens, magnum clementiæ suæ exemplum daret. Cœptum inde quæri in ciuitate rerum nouarum auida, quisnam Ecclesiæ Parisiensi præficeretur; quòd statim dictum, ac statim vulgatum sit, Cardinalem illum Archiepiscopatu cessurum. Plures itaque erant in ore vulgi, multos, vt solet, destinantis, dum vnus eligatur. Sed Marca præcipuè celebrabatur; nullis in hoc suis sermonibus; sed quia cùm par videretur, Princeps quoque in eum inclinare credebatur. Igitur omni ciuitate finem huius negotij impatienter expectante, iv. Kalend. Martij huius anni M. DC. LXII. Francisca Margarita Sillia Ducissa Retzij ad Regem detulit filij sui Cardinalis Retzij chirographum apud Commercium in diocesi Tullensi confectum xv. Kalendas Martij, quo pura & simplex cessio, vt vocant, Archiepiscopatus Parisiensis continebatur. Quo factum est, vt Marcam Rex ad se statim accerferet, nihil minùs cogitantem, quàm vt de Archiepiscopatu Parisiensi illo die ageretur. Neque enim sciebat quid accidisset. In cubiculum itaque interius, vbi Prin-

90 DE VITA PETRI MARCÆ  
ceps solus erat, introductus, & ab eo  
comiter acceptus, ex ipsius ore breuiter  
intellexit liberum majestati ejus dein-  
ceps esse quem libêret Ecclesiæ Pari-  
siensi præficere, quòd in manu haberet  
chirographum Cardinalis Retzij, spon-  
te eam deferentis. Addidit, nihil hac  
Ecclesia illustrius esse intra Gallias,  
nec vllum esse Sacerdotium, quantum-  
uis amplissimum, quod cum Parisiensi  
possit comparari. Illud autem se Marcæ  
eò lubentiùs donare, quòd existimaue-  
rit virtutes ejus tantas esse, vt facile  
primum illi locum obtineant inter Epif-  
copos Gallicanos, scirétque præterea  
fidem ejus in familiam regnatricem lon-  
gâ experientiâ probatam esse. Proinde  
acciperet quantum Princeps tribuere  
amico posset, & amicus à Principe acci-  
pere. His dictis, chirographum Mar-  
cæ tradidit. Ille verò grates agens, me-  
moriâ beneficij hujus sempiternam  
fore pollicetur, quandiu vita suppete-  
ret; Archiepiscopatusque Parisiensis  
donum sibi datum eò magis æstiman-  
dum esse dixit, quòd regale esset, ac præ-  
terea quòd in eum ultro conlatum, qui,  
ne paulò humaniùs de propriis virtuti-

bus sentire videretur, illum petere noluerat. Quia tamen Princeps sapientissimus, quem ipse velut Dei interpretem in hoc negotio intuebatur, quandoquidem Ecclesia in eum contulerat jus Nominandi Episcopos, existimauerit ipsum tam illustri beneficio dignum esse, nolle se muneribus ejus obniti, neque altius scrutari quibus de causis ipsum supra omnes collegas suos extolleret. Satis sibi esse, quod à Principe, & à tali Principe eligeretur. Fidem deinde suam in Regem perpetuam fore affirmavit, ac tamen eam augeri non posse, cum tanta foret, ut nec recenti beneficio obligatus, eoque maximo, majorem præstare possit: sed agniturum Regem quanta sit, quoties mandata ejus ad se perferrentur. Reposuit Ludouicus, nihil addubitare se de fide promissorum ejus: ceterum ei facillimum haud dubie futurum regiis jussis obsequi, quæ semper intra limites æqui consisterent. Insigne visum est earum literarum initium, quas eo die Princeps ad Alexandrū VII. Pontificem Romanum scripsit, ut eum consilij sui certiores faceret: in quibus ait, ingentes virtutes, intelligentiam-

que, & singularem pietatem Marcæ, ac magnam & amplissimam operam ab eo in multis arduis negotiis nauatam Ecclesiæ, sibi, & Reipublicæ, ejus apud se ponderis fuisse, vt ipsi Parisiensem Archiepiscopatum ob hoc donauerit, quò tantis virtutibus gratificaretur, præmiùmque illis debitum tribueret. Ceterùm vulgato Principis factò, meministi, Vir Clarissime, quæ lætitia hujus ciuitatis, quæ omnium alacritas fuerit, ex eo æstimantium quantus Princeps futurus esset Ludouicus, qui admodum juvenis tam sapienter eligeret, & ad æternam ejus gloriam pertinere facinus illud asseuerantium, eoque laudes ejus illustrari. Ipse verò boni facti sibi conscius, tacere non poterat; sed apud omnes prædicabat, velut sententiam singulorum exquirens: lætabaturque haud dubiè vehementer, cùm accedere intelligeret vniuersorum consensum, procul ab adulatione.

Sed præclarè scriptum est; nihil infra lunam esse nisi mortale & caducum. Venio enim, mi Sorberi, ad fatalem illum & acerbum diem, quo vir optimus nobis post magnum & diuturnum mor-



bum ereptus est. Falluntur profectò qui existimant diem adimere ægritudinem hominibus, & dolores, quantumvis magnos, vetustate mitigari. Dies enim non modò non leuat luctum hunc meum, sed etiam quotidie auget magis; adeo vt non sperem vnquam adimi posse, quandiu durabit recordatio Viri Illustrissimi, quæ non perpetua esse non potest. Ira numinis in res nostras, mihi crede, fuit hic casus, & debita sceleribus nostris pœna: atque vtinam lentiori gradu ad vindictam sui diuina ira processisset. Sed finem facio querelarum, ne non tam calamitatem nostram deplorare, quàm Deum incusare videar, & veniam ad id vnde me affectus meus abstraxit.

Quinto Idus Maij, quæ dies Iouis dicebatur, Marca satis diù in horto suo post prandium ambulauit, lætus, & nulla ægritudinis signa præferens. In cubiculum tamen postea secedens, lassitudinis mentionem fortè iniecit: quam morbi indicium esse quis credidisset, post longam ambulationem? Horâ dein quartâ, decubuit, requiem defatigato corpori concessurus, vt ipse aiebat, sed re vera ex vi morbi. Quippe jam tum febre la-

borabat, quamuis leuiter. Certè is initio morbus fuit, vt & ipse, & medici eum contempserint, licèt nihil interim omitterent eorum quæ ad restituendam valetudinem ejus necessaria & opportuna esse existimabant; adeo vt septimum post diem visus sit meliùs se habere, credereturque prorsùs conualuisse. Sed subitò tanta vis morbi prorupit VII. Kaland. Iunij, vt de vita ejus metuere & medici cœperint, licèt metus suos fateri nollent. Scio enim vni ex ipsis, qui eodie ad visendum eum bene mane venerat, lacrymas excidisse abeunti; quamuis alacritatem vultu præ se ferens, bono nos animo esse juberet. Ita quippe comparati sunt medici, vt quamquam sæpe intelligant, tamen nunquam ægris, aut iis quibus illorum salutem curæ cordique esse norunt, illo morbo dicant eos esse morituros; ne vtrisque molestiam exhibere videantur, nèue mœrorem illis accersant ante tempus. Tum primum verò Marca, quasi fatalem ac supremum diem imminere præsentiret, desperare de vita cœpit; sciens videlicet grauiùs ægrotare eos, qui cùm leuati morbo videntur, in eum deintegro

incidunt. Itaque licèt Vicario S. Sulpitij (nam in ea parochia ægrotabat) initio morbi peccata sua confessus esset, iterum tamen v. Kalendas eo munere perfunctus est diligenter: ac postridie Viaticum publicè accepit cum magna reuerentia, vt decebat tantum virum. Meminisse possunt qui aderant, quis fuerit tum vultus ejus, quæ modestia totius corporis, quàmque reuerenter ac demissè venientem ad se Christum accepit; prolocutus coram omnibus oratione breui, sed docta, & religiosa, sententiam suam de præsentia Corporis Domini nostri Iesu Christi in Sanctissimo Eucharistiæ Sacramento; dicens confidere se in meritis Iesu Christi, qui pro omnibus hominibus pretiosissimum Sanguinem suum in ara Crucis effuderat. His ita dictis, componens se rursus in omnem reuerentiam, deprecatusque errores suos & graues in Deum offensiones, ac pluries repetens indignum se esse vt Dominus apud eum ingrederetur, Viatico se instruxit; arbitrio diuino quod reliquum erat, ex animo prorsus permittens. Excussit profectò nobis omnibus lacrymas; tametsi læti-

tiam imitari coram pro virili quisque nostra studeremus, ne intelligere videremur cum in magno vitæ periculo versari. Nihilo tamen melius ipse de se existimabat, vanas esse & inanes spes nostras dictitans: adeo ut cum aliquot post diebus recreatus quodammodo videretur è morbo, nihilque deinceps metuendum esse medici pronuntiassent, ipse dixerit illos triumphum canere ante victoriam. Recruduit enim statim morbus atrocius. Itaque Marca parum spei ponebat in remediis humanis: sed preces continuò ad Deum apud se fundens, facilè abstinebat ab omni sermone, nisi quando medici aderant, aut Vicarius sancti Sulpitij. Reliquo ferme temporis, neminem suorum admittere præter necessarios, nisi quum ipse alios vocari jubebat. Nam externorum nemo in cubiculum ejus introducebatur. Attamen quando dolor interualla dabat, animúmque relaxabat, me lubenter audiebat legentem aliquod caput ex Novo Testamento, vel ex Libro de Amore Dei, quem B. FRANCISCUS SALESIVS GEBENNENSIVM EPISCOPVS composuit. Horum enim librorum le-  
ctione

atione valde capiebatur, siue sanus esset, siue ægrotus. Memoria teneo, ipsum medicis, qui taciturnitatem illam in eo accusantes, suadebant ut aliquorum familiarium colloquia apud lectum suum sustineret, hætenus respondisse, auditurum se lectionem alicujus libri, ut morem illis gereret. Adeo pertinax fuit silentij propositum, ut temperamentum quæreret, quò medicorum monitis obtemperaret, ac tamen nihil ex obstinato silentio remitteret. At Vicario interroganti, cui præcipuè meditationi insisteret in tam diuturno silentio, dixit multas menti suæ cogitationes obuersari; sed præcipuè cogitare de discessu ex hac vita; ideóque à se rationem anteactæ vitæ seriò exigere, Deique misericordiam crebrò implorare, quò veniam delictorum sibi tribuere dignaretur. Adidit, se memoria repetere quæ sibi ex obseruationibus suis in Nouum Testamentum, & in Psalmos Davidis, in mentem tunc veniebant, quò animum diuinis alimentis pasceret.

Tanta autem magnitudo animi in eo fuit, ut licet morbi longinquitas omnes patientiæ terminos excedere suaderet,

ac vis ipsa morbi absque dolore esse non posset, nunquam tamen impatientiæ aut doloris signum dederit, nisi quum dormiebat. Scilicet robustus & excelsus animus inferius dignitate sua existimabat, si dolere videretur: cohibuissetque imperum naturæ dolores suos confitentis, si tam in potestate nostra esset moderari affectibus dormientium, quàm vigilantium. Sed habent nimirum fortassis animus & corpus vicissitudines suas. Ac sicut vigilantes, animi imperio, corporis seruitio magis utimur, ut Sallustius dixit: ita corpore in libertatem vindicato per somnum, animus ei servire cogitur, & sensus ejus palam promere. Vnde dubitare cogor, verane sit Zenonis sententia, qui contrahi animum, & quasi labi, ac concidere existimavit, dum homo dormit: an cōtrà, manentibus aliorum sententiis, animi quidem firmitudo semper eadem sit, ac tamen corpori non nihil concedi debere intelligat, ut cōcordia inter vtrumque perseveret.

Initio mensis Iunij, diem non memini, Marca visus est mortalitatem explere; intercepto videlicet pulsu venarum, & frigore jam occupante ex-

tremâ corporis ; oculis quin etiam conturbatis. eoque in statu permanfit ad aliquot horas. Intelleximus nos ea effe funefta mortis præludia ; quæ quater aut quinquies ante obitum ejus contingere, non fine magno metu ac ftupore noſtri, quoties euenirent. Nec ipſe, quamuis non ignoraret cujuſmodi præſagium eſſet abſceſſio illa pulſus in ægroto, ſignum aliquod mœroris vultu aut voce dedit : ſed eodem vitæ ordine, relinquendas eſſe terras arbitratus, abjecit omnem viuendi ſpem ; ac tamen ſe totum medicis permiſit, ne de benignitate Dei deſperare videretur. Memoriæ interim ſuæ incurioſus non fuit ; quando etiam ſapientibus, vt ait alicubi Tacitus, cupido gloriæ nouiſſima exiit. Etenim cùm nollet perire lucubrationes ſuas, perſuaſumque in animo haberet, id quod ſanus ac bonæ mentis pluries dixerat, illas mihi vni notas eſſe, neque ab alio legi facilè poſſe ob frequentes lituras, & quia nemo alius cogitationum ejus peritus erat, vocari me quadam nocte juſſit : cùmque mandata quædam verbo dediſſet, ad extremum relinquere ſe mihi dixit omnes ſchedas ac lucubrationes ſuas,

vt mea cura emitterentur in publicum. Intelligis, opinor, SORBERI, nihil mihi præclarius in hac vita contingere potuisse, quàm vt vir summus moriens tali me honore dignaretur, hâsque vltimas voces pectori meo relinqueret. Ceterùm sic de his rebus ipse loquebatur, vt si prope cubiculum ejus adfuisses, neque sciuisses profligatam esse valetudinem ejus, existimaturus fueris illum ad sanitatem properare, qui de ea editione ita agebat quasi deinceps operis Typographicis præfuturus esset, & tanquam non moriturus. Tantum illi securitatis nouissimæ fuit. Tertio dein Idus Iunij, cùm appropinquare se supremis crederet, nihilque omissum vellet ex officio boni Christiani, iterum sacri Corporis Dominici pignus accepit, secretò tamen, neque vt Viaticum: ac toto ferme illo tempore, quo Missæ sacrificium in cubiculo ejus faciebat Presbyter domesticus, intecto capite esse voluit, quò reuerentiùs se erga Deum haberet; remouítque manum meam, qui caput ejus operire tentaueram.

Grauescere interim cœpit valetudo ejus, & in extremum discrimen adduci;



ARCHIEPISCOPI PARISIENSIS. 101  
adeo vt & medici ipsi, omiffa diffimula-  
tione, an quòd antea bene fperauerant;  
aliquot pòft diebus monuerint vix vllam  
effe fpem vitæ. Octauo Kalend. Iulij,  
vrgente febre, & recedente rurfum mo-  
tu venarum, dubitarunt, tanta vis mor-  
bi erat, an poſtridie reperturi eſſent vi-  
uum. Ergo media ferè nocte accitus Vi-  
carius, impartit ei extremam vnctio-  
nem; præbebátque ſe ipſe vngendum,  
ad omnia intentus, & loquenti interdum  
reſpondens. Redire dein vires, velut ad  
nouos conatus; mirantibus medicis, ſe-  
nem diuturno & acerbo morbo vexa-  
tum, tamdiu viuere.

Poſtera dies leuamentum aliquod do-  
lori ejus attulit, perlatis Alexandri VII.  
literis, quibus eum faciebat certio-  
rem de translatione ejus ab Eccleſia Toſa-  
na ad Pariſienſem. Eas ipſe legi juſſit,  
attentiſſimèque audiit. Neque dubitauit  
aſſerere Archiepiſcopum ſe Pariſienſem  
prorsùs eſſe, & Eccleſiam vrbiſ regię  
deinceps, ſe viuo, Paſtore orbatam dici  
non poſſe, poſtquàm Nominationem  
Principis Romana Sedes approbauerat.  
Iam antea Canonici Pariſienſes, quò  
dolorem ſuum vniuerſis teſtatum face-

rent, pro valetudine Marcæ, quem sum-  
 mopere optabant ex eo morbo conua-  
 lescere, preces ad Deum quotidie fun-  
 debant in sacrificio Missæ; eoque exem-  
 plo, idem factitatum est eorum jussu in  
 Parochialibus Ecclesiis, & in monaste-  
 riis. At visis tunc Alexandri literis, quas  
 à me ad eos perferri Marcæ jussit, solen-  
 nes in Cathedrali Ecclesia preces, vt  
 mos est in magnis Pontificum Parisien-  
 sium periculis, fieri decreuerunt; expo-  
 sito videlicet ad adorandum sacratissimo  
 Corpore Domini nostri Iesu Christi  
 iv. Kal. Iulij, vt fideles populi ad ma-  
 trem Ecclesiarum Parisiensium suppli-  
 ces accederent, Dei misericordiam pro  
 eo ægrotante imploraturi. Par cura fuit  
 Serenissimi Principis Henrici Borbonij  
 Abbatis Monasterij S. Germani Pra-  
 tensis apud Lutetiam, qui iii. Kalend.  
 preces quoque solennes, exposito item  
 sanctissimo Corpore Domini nostri Iesu  
 Christi, pro eadem causa fieri imperavit  
 in Basilica S. Germani, anxii quoque ob  
 eam rem, & valde sollicitis monachis  
 Benedictinis Congregationis S. Mauri,  
 in illo monasterio habitantibus; quo-  
 rum fuit magna erga viuentem reueren-

tia, quosque vir optimus haud vulgari  
 amore prosequeretur. In ceteras quo-  
 que regni vrbes & prouincias manauit  
 hic populorum ardor, & caritas in Mar-  
 cam; adeo vt in quamplurimis Gallia-  
 rum Monasteriis, & Ecclesiis, assidue  
 ejus sanitas à Deo flagrantissime postu-  
 laretur; vt ex multorum sermonibus &  
 literis intellectum est. Sed quo Tolosa-  
 nos piaculo taceam? qui cum viuentem  
 Marcam plurimum amauerint, non passi  
 certè sunt ei deferri vota sua in lamenta-  
 bili hoc casu. Constat sanè tanta ac tam  
 religiosa fuisse populorum vota, vt ni-  
 aliter diuina prouidentia jam ab initio  
 morbi statuisset, haud dubiè ægrotus à  
 morte reuocari debuerit. Sed venerat  
 nouissima ejus hora, & vltima periodus  
 calamitatum nostrarum. Horret animus  
 commemorare tempus illud, quum no-  
 bis in horto optimi Mecænatis nullo te-  
 ste aut arbitro ambulantes, properè  
 accitus sum, vt extremum ejus spiritum  
 exciperem. Equidem statim à te disce-  
 dens, Vir Clarissime, in cubiculum ejus  
 festinaui, metuens videlicet, ne, absen-  
 te me, moreretur. Spirantem tamen  
 adhuc inueni, sed ita spirantem, vt pla-

nè jam exanimis dici potuerit. Quippe sic eum subito vis morbi oppressit, ut nullus corporis illius sensus officio suo fungeretur. Neque multò post extinguitur, inter amplexus & lacrymas suorum. Paucioribus tamen lacrymis compositus est; & nouissima in luce desiderare aliquid oculi ejus, carissimum videlicet filium, quem vnicum habebat, GALACTORIVM DE MARCA, patris in munere Præsidis Palensis successorem, & Abbatem monasterij sancti Albini Andegauensis, qui quinto Idus Iunij huc aduenit. Hic, post amissum patrem, solus mearum miseriorum remedium esse debuit, Sorberi, & paterni in me amoris heres: quo viuentē, amici fuimus; ipsēque amicitiam nostram toto illo sexennio diligenter ac sanctissimè coluit. Quare non injuria, ut ego quidem existimo, sperare possum, eum paternam amicitiam omnibus officiis prosecuturum: neque putauerim verum illud semper esse quod ait alicubi M. Tullius, veras amicitias difficillimè reperiri in iis, qui in honoribus versantur, resque publicas tractant. Nam quod ad me attinet, non committam ut

ARCHIEPISCOPI PARISIENSIS. 105  
mea obseruantia ei desit, in quo viuente optimi parentis imaginem intueor; & quo saluo, saluæ sunt reliquiæ magni viri. Ejus itaque in isto mihi viuit auctoritas, hunc vice patris colo; & similis ei filius, eodem est apud me pondere quo fuit ille. Neque aliud ab eo exegerim, quàm ne obliuiscatur vnquam patrem sibi fuisse Marcam, grande adiumentum claritudinis, ejusque recordatione se sororesque suas consoletur.

Decessit Marca ad III. Kalendas Iulij, quæ dies D. Petro Apostolo sacra erat, horâ ferè vndecimâ matutinâ, aut non multò secùs, nono & sexagesimo ætatis anno nondum exacto, cùm nouem & quadraginta dies eum sæua vis morbi attinuisset in lecto. Paruum & ridiculum fortasse videbitur quod dicturus sum. Cùm eum nos, qui domestici ejus eramus, quotidie ad mortem tendere cerneremus, spemque omnem abjecissemus; optabamus sanè vt si vita concessurus erat ex hoc morbo, abiret saltem in die festo D. Petri, cujus nomen ipse gerebat. Audiit preces nostras Deus, nostrumque luctum exiguo hoc solatio leuare voluit: vtinàmque eadem facili-

106 DE VITA PETRI MARCÆ  
tate apertas aures habuisset ad vota quæ  
concupiebamus pro valetudine ejus.

Haëtenus res, viuo Marca, gestas  
memoravi, & quæ ægrotante eo, ac  
moriente, contigerunt. Nunc, quoniam  
fortuna nos ei superstites esse voluit,  
reliqua persequar, ne supremum officiũ  
mortuo negare videar. Inter medicos  
nihil conuenerat de morbi genere, ne-  
que causam inuenerant; licet artem  
suam optimè callerent, & in id omni  
studio incumberent ne fallerent, neue  
fallerentur. nam & amici erant. Oc-  
cultam vim morbi esse affirmabant,  
quantum arte assequi poterant. Quippe  
febris interdum remissior, sæpe ex nul-  
lis causis apparentibus augebatur; &  
medicamenta, quæ frequenter sugge-  
rebantur, singulares omnino effectus  
consequabantur, & ægroto vtilis. De-  
cies profecta vena est. Decies bene ces-  
sit; ac ægrotus toties visus est melius  
habere. Pertinacia tamen morbi sem-  
per eadem; & ipse crebrò querebatur  
se ex visceribus laborare, manũque  
jecori identidem admouebat. vnde con-  
jiciebant medici, ac ex aliis etiam indi-  
ciis, intestinum illud esse læsum, & af-

factum. Abscessum quoque suspicabantur alicubi inesse : quem tametsi manifestè deprehendas , quod est difficillimum , quomodo medicinam adhibebis ? Igitur , eo mortuo , postularunt vt examinati corporis anatomia fieret ; tum vt morbi genus deprehenderent ; tum etiam quòd dicerent vtile domui ejus futurum. Aperto itaque cadauere pridie Kal. Iulij , viscera omnia integra & admodum sana apparuerunt ; jecore tamen ac pulmone exceptis , in quibus vis morbi residebat. Illud vtcunque liquefcens , & præ ardore febrili friabile , manibus vel leuiter compressum , totum facile discerpebatur , & in exilia abibat frustula. At major pulmone impressa labes. Nam præterquam quòd totus vtrique extrema sui parte pleuræ firmiùs adhærescebat , ferè totus insuper lobus dexter abscessu præuio suppuratum passus , in frustula crassiuscula ex mero pure compacta concreuerat. Mox , recedentibus medicis , corpus lotum more Christianorum , & vestibus Pontificalibus , vt fieri solet , conuestitum , Pallio quoque Archiepiscopali ornatum , in sarcophago plumbeo

106 DE VITA PETRI MARCÆ  
tate apertas aures habuisset ad vota quæ  
concupiebamus pro valetudine ejus.

Haftenus res, viuo Marca, gestas  
memoravi, & quæ ægrotante eo, ac  
moriente, contigerunt. Nunc, quoniam  
fortuna nos ei superstites esse voluit,  
reliqua persequar, ne supremum officiũ  
mortuo negare videar. Inter medicos  
nihil conuenerat de morbi genere, ne-  
que causam inuenerant; licet artem  
suam optimè callerent, & in id omni  
studio incumberent ne fallerent, nèue  
fallerentur. nam & amici erant. Oc-  
cultam vim morbi esse affirmabant,  
quantum arte assequi poterant. Quippe  
febris interdum remissior, sæpe ex nul-  
lis causis apparentibus augebatur; &  
medicamenta, quæ frequenter sugge-  
rebantur, singulares omnino effectus  
consequiebantur, & ægroto vtilis. De-  
cies profecta vena est. Decies bene ces-  
sit; ac ægrotus toties visus est melius  
habere. Pertinacia tamen morbi sem-  
per eadem; & ipse crebrò querebatur  
se ex visceribus laborare, manumque  
jecori identidem admouebat. vnde con-  
jiciebant medici, ac ex aliis etiam indi-  
ciis, intestinum illud esse læsum, & af-



factum. Abscessum quoque suspicabantur alicubi inesse: quem tametsi manifestè deprehendas, quod est difficillimum, quomodo medicinam adhibebis? Igitur, eo mortuo, postularunt vt examinati corporis anatomia fieret; tum vt morbi genus deprehenderent; tum etiam quòd dicerent vtile domui ejus futurum. Aperto itaque cadauere pridie Kal. Iulij, viscera omnia integra & admodum sana apparuerunt; jecore tamen ac pulmone exceptis, in quibus vis morbi residebat. Illud vtcunque liuescens, & præ ardore febrili friabile, manibus vel leuiter compressum, totum facilè discerpebatur, & in exilia abibat frustula. At major pulmone impressa labes. Nam præterquàm quòd totus vtrique extrema sui parte pleuræ firmiùs adhærescebat, fere totus insuper lobus dexter abscessu præuio suppuratum passus, in frustula crassiuscula ex mero pure compacta concreuerat. Mox, recedentibus medicis, corpus lotum more Christianorum, & vestibus Pontificalibus, vt fieri solet, conuestitum, Pallio quoque Archiepiscopali ornatum, in sarcophago plumbeo

108 DE VITA PETRI MARCÆ  
conditum est ; cui juncta fuit ænea la-  
mina , in qua hæc scripta fuerunt.

HIC. JACET. CORPVS. ILLVSTRISSIMI.  
AC. REVERENDISSIMI. D. D. PETRI.  
DE. MARCA. ARCHIEPISCOPI. PARI-  
SIENSIS. ET. TOLOSANI. QVI. OBIIT.  
III. KALEND. IVLII. ANNO. DOMINI.  
M. DC. LXII. ÆTATIS. SVÆ. LXVIII.  
MENSE. V. DIE. VI. ANIMA. CVJVS.  
REQVIESCAT. IN. PACE. AMEN.

A prandio sepultura peracta est à Ca-  
nonicis , ceterisque Presbyteris & Cle-  
ricis Cathedralis Ecclesiæ Parisiensis,  
horâ ferè nonâ , funeris sacra peragente  
Decano : corpûsque Marcæ , vt ipse  
viuens optauerat , humatum est in Cho-  
ro illius Ecclesiæ , infra Cathedram Ar-  
chiepiscoporum. Suprema hæc ei per-  
soluta pridie Kalend. Iulij. Fuere qui  
publici funeris pompam requirerent,  
compararéntque quæ in superiorum  
Pontificum Parisiensium mortibus ho-  
nora & magnifica facta fuerant. Vnum  
occurrit quod respondeam ; decessisse  
illum in loco non suo , adeo vt difficilli-  
mum fuerit omnia obseruare solennia  
quæ in prædecessorum ejus funeribus  
obseruata fuisse memorabant ; festi-

ARCHIEPISCOPI PARISIENSIS. 109  
natam quin etiam sepulturam, ob diu-  
turnum morbum; & ne filius ejus, qui  
propediem aduenturus erat, reperiret  
corpus insepultum.

Habet itaque Ecclesia Parisiensis  
spolium magnæ animæ, ac velut dimi-  
diam partem viri quem nunc deflemus;  
cujus memoria nunquam intermoritura  
est, donec virtus aliquo in pretio erit  
apud homines, & quandiu magnorum  
virorum meminisse juuabit. Errauerunt  
tamen, Vir Clarissime, qui pronuntia-  
runt liuorem in viuis quidem pasci, sed  
post fata tandem extingui. Nam quos  
invidia erga viuentem mouebat, acrius  
dein in mortuum insultarunt; inimici-  
tias etiam, quod est prorsus inhumana-  
num, cum sepulcro ejus exercentes:  
hoc vno tamen ei inimici, si verum pro-  
fiteri liceat, quòd paulò iniquior vide-  
retur erga sectam Iansenisticam. Quòd  
si Deus mihi tribuat, vt vitam ejus vbe-  
riùs describam; sic illos depingam, vt  
nulli posthac remansura sit vel minima  
dubitandi causa, quin homines sint  
egregiè mali, & odio publico digni.

Reliquit Marca præclaras lucubra-  
tiones multas, præter eas de quibus

suprà memorauī, dignas profectò quæ manibus eruditorum hominum terantur. Nam præterquàm quòd nonnulla passim addidit in libris quatuor de Concordia Sacerdotij & Imperij, qui jam editi sunt; liber quintus, in quo agitur de dignitate & auctoritate Legatorum Sedis Apostolicæ, penè confectus habetur: eaque seculi nostri felicitas est, vt quæ ad perfectionem ejus desunt, nullo negotio suppleri possint ex quibusdam aliis ejus lucubrationibus. Tum qui libri sexti locum occupaturus erat in editione noua quam meditabatur hujus operis, Tractatus de auctoritate Conciliorum Prouincialium & Generalium totius Diœceseos Gallicanæ, quæ vulgò Nationalia vocantur, omnino perfectus est. Sequitur dein Tractatus de Iudiciis Canonicis Episcoporum, & ipse item perfectus. Libri octauī loco esse potest Tractatus de Iure Regaliæ: in quo repetit ab initio ceremonias obseruari solitas in electionibus Episcoporum; quid Clero & populo in iis liceat, quid Episcopis comprouincialibus, & Metropolitano; quæ deinde mutationes inductæ sint, præsertim in Gal-

ARCHIEPISCOPI PARISIENSIS. III  
lia; & cetera quæ ex ea materia sequi  
videntur. Tum Inuestiturarum con-  
trouersia narratur. vnde Regaliæ ori-  
go. Canon Laodicens nouè explica-  
tur. ne quid dicam de ceteris. Psalmo-  
rum quoque Davidis LXXXII. priorum,  
atque item LXXXVIII. sensum litera-  
lem & perpetuum exposuit, juxta men-  
tem LXX. Interpretum, ac editionis  
ejus quam Vulgatam vocamus; additis  
Glossis, vt ipse vocat, siue Annotatio-  
nibus ad locos difficiliore; & indicatis  
etiam interdum eruditorum virorum  
diuersis ac discrepantibus sententiis:  
perfecissetque hoc opus, si longiorem  
illi vitam Deus tribuisset. Instituerat  
præterea componere integrum opus de  
Veteribus Canonum Collectionibus,  
præsertim Romanæ Ecclesiæ; non omis-  
sis interim Canonibus Africanis, in qui-  
bus multa persæpe occurrunt quæ le-  
ctorum diligentiam morantur; quæque  
viri docti manum haud dubiè desiderant,  
vt difficultates complanentur. Nec ta-  
men omnino periit hoc opus: super-  
suntque ex eo fragmenta aliquot, ma-  
gno vsui futura erudit. De Exemptio-  
nibus quoque monasteriorum edere

Tractatum destinauerat. Quod vt melius intelligas, subijciam heic tibi ipsa verba ex epistola ejus ad Lucam Holstenium data Tolosæ anno M. DC. LX. Kalendis Ianuariis: *Audiui insuper, reperi-  
tum à te pridem fuisse insignem thesaurum in  
Bibliotheca Eminentissimi Cardinalis Bar-  
berini, Concilium, inquam, Africæ, habi-  
tum sub Bonifacio Episcopo Carthaginensi;  
in quo agitur de immunitate ab eo monachis  
concessa. Concilij hujusce frequens mentio est  
in vetustis quibusdam monasteriorum Gallica-  
norum priuilegiis, quæ volunt illa monaste-  
ria frui ea libertate quæ continetur in Synodo  
Bonifacij. Diu mihi quæsita est isthæc Syno-  
dus, quæ non minimam lucem adferre potest  
intricatis-*sime* difficultati: quam enodare ita  
constitui in Tractatu speciali de Exemptioni-  
bus monachorum, vt nulli posthac remansura  
sit vel minima dubitandi causa quin liceat  
Summo Pontifici gratificari quibus voluerit.  
Et in alia, vbi loquitur de Marca Hispa-  
ca: Hic tamen labor non impediet, quin  
Dissertationes meæ de Regularium Exemptio-  
nibus in lucem prodeant. Illud tamen ad-  
moneri in primis conuenit, Dissertatio-  
nes illas nunquam fuisse elucubratas ab  
Illustrissimo Viro; quamuis ab Holste-  
nio*

nio missum ad eum fuerit Concilium  
 illud Carthagenense, vel saltem ea Con-  
 cilij illius pars in qua agitur de libertate  
 ab eo concessa monasteriis. Nam ita esse  
 fidem facit Holstenius ipse in epistola ad  
 Illustrissimum Virum scripta sequenti-  
 bus Kal. Martiis. *Nunc fidei, inquit, &  
 obseruantiae meae arram mitto Acta Concilij  
 Carthagenensis Bonifatij Episcopi, operi quod  
 instituisi de monasteriorum libertate in primis  
 opportuna. Prior pars, quam prolixo volu-  
 mine, quod Concilia antiqua Ecclesiae Afri-  
 canae complectitur, edendam seruo, fidei Ca-  
 tholicae restitutionem post Vandalicae persecu-  
 tionis procellam continet; tum verò Sedis Car-  
 thagenensis Primatum & praerogatiuam, pro-  
 uinciarum quoque Africanarum ordinem &  
 jura: uti etiam peculiarem Ecclesiae Africanæ  
 disciplinam prolatis præcedentium Concili-  
 orum decretis explicat & confirmat. Illud do-  
 leo, secundæ partis, quam mitto, decretum  
 in Palatino codice desiderari. idque non ve-  
 tustatis injuria consumptum, aut à mala manu  
 discerptum, sed scriptoris culpa omissum. Ille  
 enim quòd monachorum libertati minùs faue-  
 ret, decreti Africani loco Canones Chalcedo-  
 nensis Synodi subjunxit, quibus monasteria  
 Episcopis permittuntur. Eum tamen defectum*

114 DE VITA PETRI MARCÆ  
*alij codices antiqui satis feliciter suppleant;  
ut post veterum priuilegiorum testimonia de  
Concilij hujus sententia dubitari non possit.*

Sed in primis deplorandum est, Marcæ per valetudinem ejus non licuisse epistolam scribere quam ultro promiserat se scripturum ad Clarissimum & Eruditissimum Virum PHILIPPVM LABBEVM Presbyterum è Societate Iesu: in qua Honorium Romanum Episcopum, quem seculi nostri malignitas in Concilio Sexto Oecumenico damnatum esse contendit vt Monothelitam, ab ea labe prorsus immunem reddidisset, ostendissetque nihil aliud in eo damnatum esse præter negligentiam, & quia variè se gesserat. Primùm enim probare decreuerat euidentissimis argumentis germana esse Acta illius Concilij, neque à Græcis corrupta; contrà quàm visum est nonnullis viris eruditissimis. Deinde probasset Honorium illic fuisse damnatum; non quia Concilium putarit illum docuisse hæresim, vt isti nouelli hæretici existimant; sed quia Sergij Patriarchæ CP. & Cyri Alexandrini Consultationē ambiguis responsis eluserat, neq; statim damnauerat hæresim tunc recens emer-



ARCHIEPISCOPI PARISIENSIS. II5  
 gentem. Vnde data populis Orientis  
 occasio credendi Monothelitarum opi-  
 nionem non esse hæreticam, quandoqui-  
 dem eam prima Sedes non feriebat ana-  
 themate. Scilicet Honorius eo deceptus  
 est, quòd Patriarchæ illi pollicerentur  
 Orientem vniuersum, vbi Nestorij &  
 Eutychetis errores vigeant, ad Vnita-  
 tem Ecclesiæ Catholicæ rediturum,  
 Conciliique Chalcedonensis decretum  
 de duabus naturis in Christo vnitis am-  
 plexurum, si concedi aliquo modo pos-  
 set vnicam in Christo voluntatem fuisse.  
 Et cùm noua hæc opinio, vt sunt omnia  
 ferme noua, interpretationi tum obno-  
 xia esset, quando videlicet nondum dam-  
 nata erat ab Ecclesia; Honorius, quò  
 facilius Orientem à vetustis erroribus  
 reuocaret, *οἰκονομικῶς* & per Dispensatio-  
 nem à summo jure recessit; vt Marcæ  
 verba ad hunc locum traham. Hæc ta-  
 men Dispensatio infeliciter illi cessit; vt  
 jampridem obseruatum est in libro ter-  
 tio de Concordia cap. XIII. §. IX. Nam  
 hinc factum, vt damnationis sententiam  
 in eum pronuntiauerit Sexta Synodus,  
 persuasumque fuerit orbi vniuerso illum  
 insanam vnius voluntatis opinionem fo-

uisse, quam incipientem extinguere debuerat. Adferam heic loca veterum, quibus sententiam suam fulcire destinauerat Mecænas, ut epistolæ illius iacturam aliqua mea diligentia refarciam. Agmen ducet Leo II. Pontifex Romanus: qui de Honorio in Synodo Sexta damnato loquens, hæc ad Hispanos Episcopos scribit: *Qui flammam hæretici dogmatis non, ut decuit Apostolicam auctoritatem, incipientem extinxit, sed negligendo confouit.* Sui similis est idem Leo in epistola ad Imperatorem Constantinum Pogonatum: cujus verba in contextu quidem Latino subobscura sunt, sed in Græco mirè conueniunt cum verbis epistolæ ad Hispanos. Οἷς τούτῳ, inquit, τὴν Ἀποστολικὴν Ἐκκλησίαν, ἣν ἐπεχείρεις διδασκαλίᾳ τῆς ἀποστολικῆς παραδόσεως ἀγνίσαι; ἀλλὰ τῇ βεβήλῳ περδοσίᾳ μιανθῆναι τὴν ἀσπίδον παρεχώρησε. Quæ sic rectiùs exprimi censebat Marca: *Qui hanc Apostolicam Ecclesiam non est conatus lustrare doctrina Apostolicæ traditionis; sed prophana proditione puram maculari permisit.* Imperator Constantinus manifestè docet Honorium in hac fidei causa se variè gessisse. Ad hæc & Honorius, inquit ille in Edicto suo, *qui fuit antiquæ Romæ*

*Papa, hujusmodi hæreseos confirmator, qui etiam sui extitit oppugnator: ὁ τῆς αἱρέσεως βεβαιωτὴς, ἔτι διττὸς ἐδιδῶν πρὸς μαχόμενος. Significat,* inquit Marca, *pugnantia inter se scripsisse Honorium, atque hoc pacto hæreseos fuisse confirmatorem. Quæ in eandem cum Leone sententiam recidunt. Hæc verò loca con-* gesserat Marca antè quàm discederet Pa-  
 risiis, ad Fontem-Blaudi accessurus, ann. M.DC.LXI. Quibus addere volebat locum quendam ex Diurno Pontificum, à Lab-  
 beo indicatum; ubi scriptum est, Ho-  
 norium prauis Monothelitarum dogma-  
 tibus fomentum impendisse. Nam con-  
 tendebat Mecænas negligentiam Epif-  
 copi in causa fidei crimen esse quod de-  
 positionis pœnâ plecti deberet. In cujus  
 sententiæ probationem adferebat Res-  
 criptum Imperatorum Honorij & Theo-  
 dosij ad Aurelium Episcopum Carthagi-  
 nensem, datum v. Idus Iunias, Rauen-  
 næ, Monaxio & Plinta Coss. *Commina-*  
*tur enim Princeps secundum Canones, ut* Marca scribit, *Episcopatus amissionem iis*  
*qui, segniter se gesserint aduersus Pelagia-*  
*nos, & præter expulsionem à ciuitatibus, quæ*  
*pœna secularis est, interdictam quoque in*  
*perpetuum communionem. Addunt Impe-*

ratores: *Vna enim eadēque culpa est eorum, qui aut dissimulando convenientiam, aut non damnando fauorem noxium præstiterint.* Idipsum docent, vt Marca adnotatum reliquit, Leo I. & Innocentius III. in Concilio Lateranensi. Vnde colligebat ipse, potuisse Honorium à Sexta Synodo damnari, non quòd docuisset hæresim, aut quòd Monothelitis consensisset, sed ob negligentiam in damnando eorum errore; cū eadem sit culpa, vt inquit Imperatores, eorum qui aut dissimulando convenientiam, aut non damnando fauorem noxium præstiterint. Nam *inferiorum ordinum culpæ*, (vt ait sanctus Leo epist. III.) *ad nullos magis referendæ sunt, quàm ad desides negligentēque rectores: qui multam sæpe nutriunt pestilentiam, dum necessariam dissimulant adhibere medicinam.* Primū enim Honorij silentium, aut, vt cum Augustis loquar, dissimulatio, ex epistolis Papæ Leonis II.prehenditur; qui eum redarguit quòd Monothelitarum hæresim negligendo confouerit, & quòd proditiōne sua Apostolicam Ecclesiam, quæ pura erat, maculari permiserit. Eadem Leonis epistolæ docent, eum fauorem noxium

ARCHIEPISCOPI PARISIENSIS. 119  
præstitisse huic pestiferæ doctrinæ: quam  
non, vt decuit Apostolicam auctorita-  
tem, incipientem extinxit, sed negli-  
gendo confouit. Constantinus quin  
etiam Imperator hoc sensu dixit, Ho-  
norum fuisse hujus hæreseos confirma-  
torem. Sed præterea extant ipsæ Ho-  
norij epistolæ ad Sergium Patriarcham  
scriptæ, & in Synodo Sexta recitatæ, ob  
quas Synodus illa, cùm agnouisset eum  
aliquo modo tergiuersatum esse in causa  
fidei, sententiam damnationis in eum  
protulit vt negligentem; quòd negligen-  
tia Episcopi in causa fidei crimen sit atro-  
cissimum, cui omnem veniæ spem præ-  
cidunt iidem Augusti. Nam quod ad  
Honorij doctrinam attinet; jam alij pro-  
bauerunt, eum prorsus auersum fuisse ab  
errore Monothelitarum, neque illis vn-  
quam consensisse; vt inutilis omnino fu-  
tura sit mea opera, si velim hanc partem  
suscipere probandam. Dispensatio mera  
fuit, & quoddam velut obsequij genus,  
quo populos Orientis demereri stude-  
bat, vt eos dein facilius ad Vnitatem  
Ecclesiæ Catholicæ reduceret. Habes  
heic, Vir Clarissime, delineationem  
quandam rudem epistolæ ejus quam vir

H iij

120 DE VITA PETRI MARCÆ  
eruditissimus scribere decreuerat: quæ si  
ab eo confecta fuisset, dubium non est  
quin singulari beneficio sibi deuincturus  
fuerit Apostolicam Sedem.

Meliorē igitur fortunam expertæ  
sunt quamplurimæ Dissertationes Ec-  
clesiasticæ; quarum heic tibi aliquas ad-  
notare placet, quæ supersunt.

*De Stemmata Christi.*

*De tempore aduentus Magorum: Et an  
Reges fuerint.*

*De patria Vigilantiæ.*

*De tempore Synodi Sirmiensis plenariæ:  
Et de Valentis & Ursacii venia.*

*De Canone quinto Synodi Constantinopo-  
litane.*

*De Synodica epistola Synodi Illyricianæ  
habitæ decreto Valentiniani senioris, quæ  
extat apud Theodoretum lib. 4. Hist. Ec-  
cles. c. 9.*

*De forma regiminis à Christo instituta in  
Ecclesia: Et de discrimine Clericorum &  
Laicorum ex jure diuino.*

*In cap. Clericos. 3. q. 4. de Clericis bra-  
chio seculari tradendis.*

Præter ea opuscula Illustrissimi Viri,  
habentur quamplurimæ ejus epistolæ  
Latinæ, ad diuersos scriptæ: quæ si re-

ferrentur in volumen, magnum proculdubio facerent. Extant enim scriptæ ejus nomine, quamquam & aliquoties alieno, vt suprà monui, epistolæ ad Summos Pontifices, Cardinales, Episcopos, & alios viros dignitate aut eruditione præstantes : quarum nonnullæ, vt dicam quod res est, continent tantum familiare literarum inter magnos viros commercium multo vrbauitatis sale aspersarum; ac ceteræ, quæ magno in numero sunt, tractant de multis ingentibus negotiis publicis, ac priuatis, aut de rebus ad rem literariam illustrandam spectantibus. Extant etiam quamplurima Gallicè scripta opuscula, quæ recensere longum esset : quorum quædam tantum heic adnotabo, vt gustum reliquorum præbeam. Nam omitto de industria magnam molem Narrationum, siue Relationum, Codicillorum siue Memoriarum, (Gallicè *Memoires*) & Epistolarum, quas Gallicè scripsit occasione diuersorum ingentium negotiorum, quæ & ipsæ magno volumini sufficere possunt.

*Questions notables de l'Histoire de France.*

*Traicté du Sacre des Roys de France.*

*De la publication du Concile de Trente.*

*Des Indulgences.*

*Des resignations volontaires des Eueschez.*

*De l'information des vie & mœurs des Euesques Nommez.*

*Des reparations des Eglises ordonnées par les Bulles aux Euesques.*

*Du droit de visite qu'ont les Euesques aux Eglises des Reguliers.*

*Traicté de l'approbation des Reguliers pour Confesser.*

*Du droit des Coadjuteurs.*

Quid igitur nobis superest, SORBERI Vir Clarissime, nisi vt infelicitatem nostram, æternis causam lacrymis esse existimemus; néue vnquam intercidere patiamur memoriam virtutum Optimi Mecænatis, aut recordationem singularis ejus in nos beneuolentiæ. Equidem in ea sum sententia, vt arbitrer ingratissimos hominum nos esse futuros, nisi semper amemus quicquid ex Marca amauimus, & quicquid ex eo manet. Nam, vt interim de me taceam, amabat te ille haud vulgariter, ac de te apud omnes magnificè loquebatur & sentiebat; inter intimos amicorum te ponebat; ac frequenter arcana studiorum suorum tibi lubenter aperiebat: quæ tamen, vt tu



ARCHIEPISCOPI PARISIENSIS. 123  
præclarè obseruasti in Allocutione tua,  
non omnibus adeo patebant. Est pro-  
fectò conciliatrix amicitiae, virtutis opi-  
nio. Nam nisi ille pietatem, sapientiam,  
& eruditionem tuam agnouisset, haud-  
dubiè nihilo te magis sibi admouisset,  
quàm alios quosdam, quos ab adytis sa-  
pientiae & eruditionis suæ arcebat velut  
prophanos. Ostendisti porrò, VIR ERV-  
DITISSIME, quàm non indignus esses  
tanti viri amicitia, & quàm non ingra-  
tus; qui, composito demum eo, laudes  
ejus publicè profectus es. Nec solùm  
hoc. Sed etiam me, licèt sponte ad id  
currentem, amantissimè hortatus es, vt  
præstantissimi Archiepiscopi vitam mo-  
résque describerem, gratum opus homi-  
nibus eruditis & virtutem amantibus.  
Multùm tamen literati profectò debent  
Clarissimo Doctissimoque Viro FRAN-  
CISCO SOLLEISELO CLAPIERIO Patri-  
tio Lugdunensi, veteri Mecænatis ami-  
co, & quidem ex intimis: cui cùm hoc  
meum consilium, vt est nostra familia-  
ritas, patefecissem, peruicit vt vitam il-  
lam paulò vberius describerem quàm  
animo destinaueram.

Cùm autem Allocutio tua mihi im-

pensè placuerit, tibi que me eo nomine plurimum debere agnoscam; tum illud in primis animum meum præcipua voluptate perfudit, quòd Marcam cum Agricola contulisti: ac, si crimen illud tibi publicè exprobrari non abnuis, mihi consilium meum præripuisti. Soleo enim Marcam comparare cum Agricola, multis de causis; idque me olim ei dixisse memini, inter domesticos sermones. Nam, ut omittam multas Agricolæ virtutes in Marca fuisse, quod quivis faciliè deprehendere potest ex comparatione hujus Epistolæ cum Vita Agricolæ à Tacito scripta; vterque gradatim ad summos honores peruenit, quibus in republica quisque sua functus est. Agricola Britanniam prouinciam tenuit ultra septem annos; Marca verò Cataloniam tantundem temporis administravit. Ambo illustri genere nati, speciosas opes habere, non tamen nimias. Neuter fortunas suas auxit ex pecunia publica, neque ex bonis prouincialium. Prudentia in utroque par, & humanitas propè singularis. Vis enim tibi compendio describam Optimum Mecænatem? Audi Tacitum, de Agricola loquentem: *Quòd si habitum*

*quoque ejus posteri noscere velint ; decentior, quàm sublimior fuit. nihil metus in vultu: gratia oris supererat. Bonum virum facile crederes, magnum libenter. Nihil dicas interesse inter eos ; nisi quòd Marca felicior Agricolâ, bonos Principes nactus est, longiorémque ac tranquilliorém vitam vixit.*

Agnoscis, inquam, Sorberi, quàm sapienter institueris comparisonem Marcæ cum Agricola. Voco te nunc ad alterum Terentij locum ; quòd eum huic meo instituto mirificè conuenire arbitrer, malimque elegantissimi Poëtæ verbis vti, quàm meis, vt animi mei sensa exprimam. neque tu, opinor, negabis in eam rem factos videri hos versus.

*Sic vita erat : facile omnes perferre, ac pati,  
Cum quibus erat, cùmque vnà, his se dedere,  
Eorum obsequi studiis : aduersus nemini :*

*Nunquam præponens se illis.*

Magnam esse facilitatem ejus & comitatem, omnis ordinis homines vltro confitebantur, ac prædicabant ; quæ tanta fuit, vt vel humillimæ sortis homines facile admitteret, comitèrque exciperet, quoties ejus ope indigebant ; ne-

minem contemnens, & in neminem contumeliosus. Attamen ejus facilitas non sine gravitate erat, neque comitas sine seueritate; adeo vt cùm viri auctoritate grauis honorem nusquam corrumpi per familiaritatem sineret, difficile intellectu esset, vtrum eum amici magis vererentur, an amarent. Nam, quod est rarissimum, (recurrit enim Agricola) nec facilitas illi auctoritatem, nec seueritas amorem deminuit. Viros verò literatos, ac studiis doctrinisque deditos, non referrem in familiaritatem ejus admissos, cùm id satis superque notum sit, nisi me ita agere moneret versus ille Terentianus: *Nunquam præponens se illis*. Etenim quamuis literatos, qui ad eum frequenter tanquam ad omnis eruditionis parentem ac magistrum veniebant, doctrinâ superaret, nunquam tamen se supra illos extollebat; adeo vt si cui modestia ejus nota non fuisset, quæsiturus famam fuerit. Nempe moderabatur eruditioni suæ, ne cui se præponere videretur. Nam vincere, velut Agricola, inglorium arbitrabatur. Nemini aduersus fuit, nisi malis: nec inimicitias cum aliquo exercuit, nisi coactus. ac semper remisit.

quamquam & magnæ interdum causæ  
 erant, ob quas suscipere inimicitias co-  
 geretur, nisi erectum & sublime inge-  
 nium cohibendos existimasset motus ira-  
 cundiæ. Christianum in primis, ac reli-  
 giosum pectus habuit; offensionum im-  
 memor, & moris majorum summus imi-  
 tator. Quippe Sedem Apostolicam sum-  
 mo semper studio prosecutus est; ejus-  
 que dignitatem & jura sæpissime vindi-  
 cavit aduersus eos qui coërcendam cla-  
 mitant intra certos limites Romani Pon-  
 tificis auctoritatem, quamuis persæpe  
 non intelligant quid veneranda antiqui-  
 tas præceperit custodiri. Neque tamen  
 temperamenti egebat; nec, vt plerique  
 solent, deformi obsequio excessit limi-  
 tes veri; constans in primis aduersus vim  
 externam, quoties aliqua tentabantur  
 contra priscum morem, aut contra jura  
 Regum Christianissimorum. Erat enim  
 ille vnus ex omnibus maximè aptus ad  
 fouendam Concordiam Sacerdotij &  
 Imperij; cùm pari auctoritate & gratia  
 apud Summos Pontifices & Reges Fran-  
 corum vigeret, dum vtrorumque jura,  
 quod est difficillimum, fortiter vbique  
 propugnaret absque alterutrius injuria  
 aut offensione.


Quare nequaquam miror Eminentissimum ac sapientissimum Virum Iulium Cardinalem Rospigliosum ad te nuper in quadam epistola scripsisse; MARCA SVBLATO, PLVRIMAM IN CHRISTIANA REPVBLICA FACTAM ESSE IACTVRAM. Neque enim dubitari potest, quin Alexander VII. Pontifex Maximus, qui Marcam præcipuo quodam amore semper dilexit, cuiusque summas virtutes noster vicissim impensè venerabatur etiam antè quàm ad Summi Pontificatus apicem perueniret, cuius rei argumenta sunt scriptæ inter eos vltro citròque epistolæ quamplures; dubitari, inquam, non potest, quin Alexander plurimum ex morte ejus dolorem perceperit, cuius ope sperabat finem demum aliquem imponi posse diffidiis hujus seculi. An existimas mediocrem fuisse dolorem Eminentissimorum Cardinalium Chisij, Barberinorum, Corradi, Estensis, Rospigliosij, Sacchetti, Grimaldi, Guidij à Balneo, Albicij, Pallauicini, & aliorum quorundam; quos omnes amicos Marcæ fuisse, ingentesque ejus virtutes coluisse, scriptæ ab iis ad eum literæ testantur? Quòd si propiùs intueri  
juuat

ARCHIEPISCOPI PARISIENSIS. 129  
juuat ; credisne Illustrissimum Virum  
Cœlium Picolomineum Cæsareæ Archi-  
episcopum , & Nuncium Apostolicum,  
vulgari more aut communibus lacrymis  
prosecutum esse funus tam acerbum ?  
Erras profectò , si ita sentis , & grauem  
amicitiæ eorum injuriam facis.

Sed his omissis , ad me redeo , Sorberi  
Vir Clarissime ; vt postquàm tecum com-  
municauì dolorem meum , te nunc con-  
solationis meæ faciam participem. Scri-  
pto prodideras in calce Allocutionis  
tuæ , exoptare te vt post amissum Mar-  
cam , studiis fortunisque meis fautorem  
non degenerem nanciscerer , quo me so-  
lari ego possem. Habent , ni fallor , oc-  
cultam aliquam vim sincera & pia ami-  
corum vota , cui contradici non potest.  
Ea quippe tunc fuit Illustrissimi ac Do-  
ctissimi Viri HENRICI LAMOTHÆ HO-  
DENCVRII RHEDONENSIS olim EPIS-  
COPI, nunc verò ad ARCHIEPISCOPATVM  
AVSCITANVM Nominati pietas , ac tam  
præclarus & mirificus ejus in me amor ,  
vt me ad se recipiens , in contubernium  
etiam suum admitteret. Sanè si prorsùs  
extingui posset , quod nolim , memoria  
recentis meæ calamitatis , in eum virum

incidi , qui solus efficere potest ne vn-  
 quam meminerim infelicem me fuisse.  
 Nam præterquàm quòd omni genere  
 eruditionis imbutus est, studiáque nostra  
 amat & probat ; plurimum præterea &  
 honestissimum ocium . mihi conceditur  
 ejus benignitate , nulla alia re , quàm li-  
 terarum assidua tractatione consumen-  
 dum. Cùm autem ita affectus sim à pue-  
 ritia , vt literis semper deditus fuerim,  
 librósque tractare amem ; næ ego om-  
 nium hominum fortunatissimus sum , qui  
 nactus eodem tempore sim Doctissimum  
 Mecænatem , & mirificam magnámque  
 librorum bibliothecam, qua me vir opti-  
 mus vti & pasci jubet lubentissimè. Adeo  
 vt facile intellectu sit , mihi hoc propè  
 fataliter datum esse , vt in magnorum  
 tantùm virorum familiis viuam. Vale,  
 Vir Clarissime , & Eruditissime ; méque,  
 vt facis , ama , qui parem ingentibus tuis  
 virtutibus Patronum contingere cupio,  
 voueóque. Lutetiæ Parisiorum III. Idus  
 Decembris , anno M. DC. LXII.





SAMVELIS SORBERII

AD STEPHANVM BALVZIVM

ALLOCVTIO

IN FVNERE

Illustriſſimi ac Reuerendiſſimi

PETRI DE MARCA

ARCHIEPISCOPI PARISIENSIS,

Patroni ſui Optimi.

**I**N ſummo animi mœrore, qui me totum occupat, BALVZ I Doctiſſime, nullum præſentius inuenio remedium, quàm in ſinum tuum doloris mei cauſam effundere, & luctui noſtro communi tecum indulgere. Neque enim verendum mihi, ne ſi modum lacrymis, quem neceſſariorum vel amicorum ceteri pōnent, ipſe fortasſe non imponam, debita parentationis menſuram ſupergreſſus videar. Noſti tu quā me beneuolentiā Illuſtriſſimus Archiepiſcopus, cui luſta nunc perſoluimus, ornauerit; nec minùs perſpectas habes rationes, propter quas ego tot titulis Venerandum Senem in

turba clientum frequentissima præ ceteris colueram. Quandoquidem vnà tecum sæpius ad familiaria colloquia admissus, multò propiùs introspekeram, quæ non omnibus adeo patebant. Cùm scilicet passim non promeret, quæ ex reconditiori sapientiæ penu aliis, quorum fidem non satis probasset, velanda, atque fideli silentio committenda putaret. Sed cùm tu in primis tanti viri virtutes, affecla perpetuus, domi, forisque, lateri semper adhærens, dimensus fueris, ad te iure provocare debeo, si quæ mihi reliqua est Patroni nostri memoriæ insculpta imago, procul olim spectantium, vel liuidorum fidem superet. Quare est cur te horter, MI BALVZI, vt quamprimum facias, & in lucem proferas iconem, quæ delineationem quandam contineat Vitæ, Morum, Eruditionis, & Sapientiæ illius quam præsentem nuper coluimus, & amissam nunc querimus. Neque illud quidquid erit solatij nobis inuideas velim, dum cogitas marmoreum aliquando ponere Mecænatem tuum in prolegomenis ad postuma ejus scripta, quæ publici juris facies. Igitur vel rudi nunc penicillo rem depropera; atque ita recrea nos exanimes, & veris vocibus, quas pectore ab imo, sed lan-

guidè jam , & obstructis veluti mœstitiâ faucibus , emittimus , testimonio tuo fidem adstrue.


Hodie extulimus PETRVM DE MARCA, & eodem tumulo condidimus patriæ suæ decus , Regni totius oraculum , Ecclesiæ fidus , literatorum Apollinem , Virum nullis non virtutibus ornatum. Fuit ille cujus tantopere probata Regibus nostris , & Summo Pontifici , doctis & bonis omnibus pietas & eruditio. Fuit ingens gloria Gallorum. Fuit ille , inquam , PETRVS DE MARCA , cujus solertiam , & nos qui præsentibus oculis tantam sapientiam vsurpabamus , & qui procul in scriptis , velex aliorum narratione cognitam habebant , longè latè-que mirabantur. O jacturam irreparabilem ! ô vulnus Ecclesiæ inflictum vix medicabile ! ô Virum nullis lacrymis factis lugendum ! Vbi talem ; vnde talem ; Quando talem ? Nullum equidem , MI BALVZI , quocunque me vertam conspicio , quem huic numeris omnibus parem futurum hoc ævo nostro sperare possim ; in quem scilicet tanta rerum humanarum diuinarumque scientia , totque ingenij dotes , quæ vix in vna mente morantur , conueniant. Quàm rara enim concordia acuminis & prudentiæ , eru-

ditionis & modestiæ, Sacerdotij & Imperij, religionis & politices, honorum & moderationis. Quippe semel tantum atque iterum contingere solet toto seculo, vt idem homo, qui antiquæ nobilitatis gloriâ clarus nascitur, primùm imbuatur bonis artibus; dein negotiis tractandis manum iuuenis admoueat; & tandem rebus in patria præclarè gestis, ad maiora tractanda non ambitu, non vlllo fauore Principum, sed proprio suo merito, atque ita efflagitante publicæ utilitatis bono, in Aulam euocetur; Quò propior factus clauo, nullis non tempestatibus, nullo non in littore, tanquam Ciuilis iuxta & Ecclesiasticæ gubernationis peritissimus, circa res belli ac pacis, nubilo serenõque cælo pariter consulatur. Quis autem hæc inter, si exoriatur tandem aliquis, qui doctrinâ suâ aliquatenus Marcam referat, vndecunque tamen similis euadat; qui moribus repræsentet; qui seposita toruitate, rectum animi seruet; qui tantam cupiditatum moderationem, tam blandos vultus, tantam sermonis perspicuitatem, tantam in Regem fidem, in alios reuerentiam, in omnes comitatem; qui denique tam obuium vnicuique, & præsertim literatis tam niueum pectus, tam commodas au-

res præbeat? Atque adeo, ut totum Agricola-  
nam agnoscas, qui retineat, quod est  
difficillimum, ex sapientia modum? O  
iterum immedicabile vulnus Regno flo-  
rentissimo, & Ecclesiæ inflicta Catho-  
licæ! Desiderabunt proculdubio hujus-  
cemodi factum virum, vel illi ipsi qui re-  
pudium olim sanæ doctrinæ miserunt, &  
tandiu fœdo illo schismate, cujus nunc  
partem maximam saniorémque pudet,  
gloriantur; nec minùs illis forsitan desi-  
derabitur aliquando, qui circa ejus obi-  
tum visi sunt palam paulò infensiores; qui  
funem altercationum plus æquo traxere;  
quibus dedit disputandi prurigo nobi-  
lem stili elegantissimi exercendi, & do-  
ctrinæ reconditoris proferendæ occasio-  
nem; quos verò piget strictum, non in-  
feliciter quidem ad nominis sui famam,  
calamum recondere. Nemo etenim ap-  
tior fuit tum componendis dissidiis vete-  
ribus, tum euellendis ex agro dominico  
nuperis dissensionum plantariis, atque  
zizaniis, ut cum nostro Præsule dicam; si  
quidem tali nomine Summus Pontifex  
nuper donandam censuit illam conten-  
tionem, quæ inter viros doctos & vtrin-  
que pios ac per celebres viguit per annos  
hoscè viginti. Quæ de re plura referre tu  
poteris; neque forsitan ego plurima,

quæ mihi in mentem sæpius venerunt, aliàs recitebo. Superfedeo itaq; BALVZI doctissime, à congerendis hic loci in sententiæ meæ confirmationem, atque adeo in laudem Illustrissimi Archiepiscopi, quæ fusiùs diducere possem. Nec me quisquam præuerteret, si te vnum excipiam, in recensendis Baronij, & Bellarmini, Papinianique istius, ne dicam Ambrosij, & Augustini, meritis; quos omnes PETRI DE MARCA nomen complectitur: quippe qui ad sideris istius inspectionem inconniuentibus oculis tot annos attentus fuerim. Quam quidem in illo obseruando sedulitatem meam tantò magis mihi gratulor, cum in ea tempora nos incidisse videam, quibus non faciliè gignuntur virtutes; vnde mirum jam mihi non videtur, si non optimè æstimentur, & multi libenter bonum virum MARCAM crediderint, quibus non tam faciliè Vir magnus apparuerit. Multi sanè quæsierunt famam, pauci interpretati sunt, nullis phaleris onustam, nullo stipatam satellitio, sub pallio latentem, sine pompa, sine fuce incedentem. Verùm ille obsequio ac modestia, pari cum industria ac probitate eò accessit, quò plerique per abrupta peruenere; neque vnquam ille inclarescere gestiit rebus

AD STEPHANVM BALVZIVM. 137  
quæ in nullum Reipublicæ vsum forent.  
Sed iterum satis. Ita nunc premor angore  
animi, vt in aliud tempus huiuscemodi  
parentatio differenda sit; dum tu,  
MI BALVZI, in solatium doloris mei  
tuique sparges mecum debitis lacrymis  
fauillas calentes Patroni nostri, & vitam  
Senis Optimi in tabula depictam mihi  
quamprimùm repræsentabis. Ad quæ te  
voco, & vt me amare perseueres, qui  
studiis & fortunis tuis fautorem non de-  
generem exopto. Vale. Lutetiæ Pa-  
risiorum pridie Kal. Quintil. A. R. S.  
cIo, IdC. LXII.



EPISTOLA S. D. N.  
ALEXANDRI PP. VII.  
AD ILLVSTRISSIMVM VIRVM  
PETRVM DE MARCA  
Archiepiscopum Parisiensem.

*Venerabili Fratri Petro Archiepiscopo  
Parisiensi.*

ALEXANDER PP. VII

**V**enerabilis Frater, salutem & Apo-  
stolicam benedictionem. In Con-  
sistorio secreto quod hac mane habui

mus , Fraternitatem Tuam ad Ecclesiam Parisiensem ex Tolosana transtulimus : nec dubitamus, quin zelus , virtus, & auctoritas tua rebus omnibus Archiepiscopatus istius , & præsertim Iansenismi zizaniis, vti scribis , diuturna Præsulis absentia succrescentibus euellendis omnino salutaris futura sit. In quo sanè pietatis, aliarumque virtutum Tuarum injuria foret, si eas adeo præclarè, spectatèque tanto cum bonorum omnium plausu currentes adhortari vellemus. Porro sacrum Collegium Venerabilium Fratrum nostrorum S. R. E. Cardinalium cùm promeritis Tuis, tum Paternæ caritati erga Te nostræ tribuit , vt expensarum pro expeditione facilitatem eam, quæ pro temporis, rerumque circumstantiis fieri maximè potuit, libenter indulserit. Omnipotentem Deum piis conatibus Tuis in ista Pastoralis vigilia propitium, fauentemque precamur, Apostolicam benedictionem Fraternitati Tuæ peramanter impertientes. Datum Romæ apud S. Mariam Majorem, sub annulo Piscatoris, die v. Iunii M. DC. LXII. Pontificatus nostri anno octauo.

F. FLORENTINVS.





Epistola Eminentissimi Cardinalis  
Chisij ad eundem.

*Illustrissimo & Reuerendissimo Domino  
Petro Archiepiscopo Parisiensi.*


**I**LLVSTRISIME ET REVERENDISIME  
DOMINE,

Hoc mane in Consistorio Sanctissimus D. N. admisit cessionem Parisiensis Ecclesiæ ab Eminentissimo Cardinali de Retz in manibus Sanctitatis suæ factam, eamque contulit Illustrissimæ Dominationi Vestræ. Qua in re Sanctitas sua non solum Christianissimi Regis iudicium comprobavit; sed omnium etiam, quibus & Illustrissimæ Dominationis Vestræ virtus admirationi; & Catholica Religio cordi est, expectationi votisque satisfacit. Ea occasione actum est de condonanda impensa expeditionis. Ac multa quidem erant, quæ Sacro Collegio suadere videbantur, ne à veteri instituto & à Constitutionum Decretis recederetur: taxæ tenuitas, comparatione annuorum reddituum: Diœcesis tranquillitas, nullis armorum motibus, nulla terræ cœliue calamitate per hos annos interpellata:

superiorum Archiepiscoporum exempla, quibus nihil condonatum fuit: inopia denique ærarij Apostolici, temporum injuriâ valde imminuti. Vicit tamen hæc omnia consideratio meritorum, quæ Illustrissima Dominatio Vestra sibi apud Sanctam hanc Sædem comparauit, quæque comparare in posterum facile poterit in hoc recenti gradu dignitatis; initaque via est, qua & Illustrissimæ Dominationi Vestræ honos haberetur, & consuleretur rationibus Sacri Collegij aliorumque qui titulo oneroso in partem veniunt expeditionum ejusmodi; quemadmodum à procuratore suo cognoscere poterit. Reliquum est vt Illustrissimæ Dominationi Vestræ recentem istam dignitatem gratuler, aliâque virtuti suæ debita honorum incrementa augurer, voueamque; sicuti ex animo facio; dum mea ipsi officia, studia, operamque omnem offero exhibeâque; & felicia omnia precor à Deo. Romæ v. Iunij M. DC. LXII.

Dominationis Vestræ Illustrissimæ,

Seruitor  
F. Cardinalis CHISIVS.



Epistola Eminentissimi Cardinalis  
Rospigliosij ad Clarissimum  
Virum Samuelem Sorberium.

**P**ERILLVSTRI DOMINO, DOMINO  
SAMVELI SORBERIO.

Perillustre Domine, Quanto inœro-  
re me affecerit luctuosus obitus Illustris-  
simi & Sapientissimi Præsulis PETRI DE  
MARCA, vel ex propria animi ægritu-  
dine colligere Dominatio Tua abundè  
potest. Neque enim te later, qualiter  
singulari ipsius humanitati me profite-  
bar obstrictum, quantùmque insignibus  
ejusdem meritis tribuebam: quo sublato,  
plurimam in Christiana Republica fa-  
ctam esse jacturam intelligunt & dolent  
omnes. Vitæ tamen innocentia, & assi-  
dum Religionis studium, cùm illi adi-  
tum ad cælorum præmia patefecisse non  
dubiè existimentur, nostras etiam lacry-  
mas abstergere, & dolorem temperare  
possunt, sperata tanti viri felicitate. Haud  
mediocre etiam exhibebunt mihi solati-  
um occasiones omnes, quibus paratissi-  
mam erga Dominationem Tuam vo-  
luntatem aliqua ratione declarandi,  
quemadmodum impensè cupio, oppor-

142 : BORDANOVÆ TESTIMONIVM  
tunitas præbeatur, cui prosperos rerum  
omnium euentus à Deo enixè precor.  
Romæ XXXI. Iulij M. DC. LXII.

Studiosissimus Dominationis Tuæ  
I. Cardinalis ROSPISGLIOSIVS.

\*\*\*\*\*

Ex Libro cui titulus, *Estat des  
Cours Ecclesiastiques*, auctore  
Ioanne Bordenaue Canonico &  
Officiali Lascurrensi apud Be-  
nearnos, edito Parisiis anno  
M. DC. XXV.

**L**Oquens ergo hic auctor in cap. XII.  
de Ioanne de Marca Vicario Ge-  
nerali & Canonico Lascurrensi, qui Of-  
ficium Consiliarij in Consilio ordinario  
& suprema Palensi Curia impetrauerat,  
ait: *Mais quelque temps apres il resigna sa  
Charge à Messire PIERRE DE MARCA  
son nepueu: lequel par ses rares qualitez &  
vertus hereditaires a meritè que LOVYS  
LE IVSTE, sçachant qu'il estoit le  
Restaurateur & Tutelaire de la Religion  
Catholique en ces quartiers, la Colonne de  
l'Eglise, le Protecteur des Ecclesiastiques,  
le Mecenat de ses fidelles subjects, le resu-*


ge des gens de bien, l'astre brillant du pays, l'encyclopedie ou l'intelligence parfaite de toutes sciences, fit de son propre mouvement l'erection d'une Charge extraordinaire de President au mesme Parlement de Pau, dont il l'a gratifié en reconnoissance de ses bons services, & l'a pris pour son Conseil auprès de ses Gouverneurs & Lieutenans generaux de Bearn & de Navarre. Ces mots tres-veritables couchez à l'honneur de ce grand & deuot personnage, qui n'ayant encore atteint l'aage de trente ans, surpasse en merueilles tout ce que nous sçaurions apostropher de luy, soit dit par occasion, & comme en passant.

*Quæ sic Latine versa sunt à Steph. Baluzio.*

Sed non multò pòst munus illud transfudit in PETRVM DE MARCA fratris filium : cujus haud vulgares animi dotes, & hereditariæ virtutes, ejus ponderis apud LVDOVICVM IVSTVM fue-  
re, vt cùm sciret eum esse Restaurato-  
rem & Tutelarem Catholicæ Religionis in illis partibus, ( *Benearnensibus* ) Co-  
lumnâ Ecclesiæ, Protectorem per-  
sonarum Ecclesiasticarum, Mecænatem  
fidelium Regi subjectorum, refugium  
proborum hominum, encyclopædiam,  
seu intelligentiam perfectam omnium

scientiarum, sidus splendidum gentis,  
 (*Benearnæ*) proprio motu creauerit extra  
 ordinem Officium Præsidis in eodem  
 Parlamento Palensi, quod in eum gra-  
 tis contulit, meritorum insignium con-  
 templatione; eumque præfecit Consilio  
 suo à latere Gubernatorum & Locumte-  
 nentium generalium Benearni & Nauar-  
 ræ. Verba hæc verissima dicta sint per  
 occasionem, & velut per transfennam, in  
 gratiam magni hujus & pij viri: qui non-  
 dum ingressus annum ætatis suæ trigesi-  
 mum, longè tamen superat laudes quibus  
 eum ornare possemus.

FINIS.



# BALVZIVS

## LECTORIS.

**A**bsoluta erat Editio huius Libri, nihilque aliud superesse videbatur, quàm ut per ora manúsque hominum volitare sineretur; quum red-dita mihi est Epistola quam Vir Illustrissimus FRANCISCUS BOSQUETVS Episcopus Monspeliensis ad me pro sua humanitate scripsit, qua meum hunc conatum suffragio suo comprobat; & in ea quadam de Marca commemorat, qua scire non pigebit eruditos. Intellexi statim id mihi præclarum in primis esse; tum eius momenti esse eam Epistolam, ut prætermitti posse non videatur in hac editione, quin memoria Illustrissimi Archiepiscopi Parisiensis, cuius præcipuè honori dicata est, gravis iniuria fiat. Ergo quia res adhuc inte-gra erat, quando Typographus nondum venalem proposuerat hunc Librum, nolui frustrare aures eruditæ hac illustri coronide. Eam itaque heic tibi subjicio, mi Lector; & ut pro hoc beneficio mihi gratias habeas, rogo. Vale.



FRANCISCVS EPISCOPVS  
 Montispeffulani Baluzio suo  
 S. P.

**G**RATAS accepi literas tuas; gratissimas dicerem, nisi de amicissimi mihi viri morte luctum renouarent. Antiquam enim necessitudinem, quæ nobiscum intercedebat, morte dissolutam non lugere nequeo. Meministi earum lacrymarum, quas inter amplexus mutuos, dum vale vltimum apud Fontem-Belliaudi diceremus, prælagus futuri illius amor expressit, quibûsque me totum perfudit; easque dum in memoriam reuoco, vix ipse à lacrymis & gemitibus abstinco. Fatebor tamen, mi Baluzi, primas, quas misisti, ejus Epistolæ chartas quam de vita tanti viri ad nostrum Sorberium scribis, renouando dolorem, aliquantulum illum leuasse. Nam ejus animi imaginem elegantiori stilo veriùs depingis, quàm ille tuus Pictor Battauus vultum ejus & habitum corporis ea in tabula quam mihi discessuro Marca no-



ster dedit, meam vicissim accipiens, penicillo suo delineavit. Doleo tamen semper non tam defuncti sortem, quàm nostram. Etenim ille, ut spero, viuit felix inter beatas mentes: & nos adhuc inter syrtes & scopulos in hoc pelago nauigamus, incerti quò nauis nostra appulsura sit. Beatum etiam illum prædico, quòd licèt in omnium animis viuere debeat, industriâ tuâ & scriptis tuis apud posteros semper victurus sit. Perge itaque; & ex iniquis Epistolæ spatijs egrediens, dignum tanto viro opus aggredere, ac per latum virtutum ejus campum liberiori stilo decurre. Ne defraudes expectationem publicam dissertationum earum fructu, quas olim edidit, quâsque apud te illum morientem deposuisse intelligo. Si ad secundam, quam meditabatur, Libri de Concordia Sacerdotij & Imperij editionem animum appellis, mitto tibi additamentum, quod autographum ejus habeo; cujus rationem tibi reddere non me piget. Cùm Commentario de veris Ecclesiæ Gallicanæ Libertatibus, ut loquimur, ejusdem Ecclesiæ Comitiorum jussu incumberem, incidi in locum ejus scriptoris anonymi qui ementito Galli-

canæ Libertatis propugnandæ titulo, librum nota censoria jam olim adustum, Regia sanctione proscriptum, ac perpetuis tenebris damnandum, in lucem edere ausus est: illo falsam thesim (scilicet Laïcorum æquè ac Clericorum cœtum Ecclesiam Gallicanam componere, ejusque communi decreto publica ejus Ecclesiæ negocia decidi, & non solum Episcoporum judicio, ad quos propositionem de difficilibus negocijs, quæ ad ipsorum vocationem spectant, tantum pertinere) scribit, & auctoritate amici nostri fulcire nititur. Quamvis fraudem scriptoris facillimè detegerem, & delusam ejus mentem in æquiuvoco, ut loquuntur Logici, cum Libertatis, tum Ecclesiæ nomine animadverterem. Alia est enim significatio Ecclesiæ, dum fideles omnes complectitur; ut & libertatis, qua singulos fonte baptismatis renatos Christus donavit: alia Ecclesiæ, quæ etiam apud antiquos scriptores solum Clericalem ordinem; ut & libertatis, quæ jus & facultatem, seu potestatem uniuersam regendi Ecclesiam Sacerdotali ordini, in primis Petri Apostolorum Coryphæi successoribus, diui-

nâ constitutione tradita, comprehendit. Quam non solum fallaciam, sed illam etiam quam idem scriptor cœtus vniuersi populi Gallicani, quos Statuum Regni Comitia vulgò nominamus, cum Episcoporum Concilijs permiscens, eo colore, quòd Synodi nomine vterque cœtus nuncupetur à scriptoribus ejus ætatis, quâ secundæ & tertiæ stirpis regiæ Principes imperium habuerunt, inuictis argumentis, cum ex ipsius anonymi lacinijs, tum ex probatæ auctoritatis scriptoribus, in amplis meis Commentarijs manifestam omnibus fecisse mihi persuadeo. Adiui tamen amicum nostrum; & ostenso fucò obscuri hominis illius, qui ne pœnas criminis lueret, & majori securitate in Christi sponsæ dotem præcipuam, scilicet Libertatem, impiè debaccharetur, fictitium titulum operi suo affixerat, rogavi amicum, ut ipsemet doctrinæ suæ vindex esset. Annuuit libenter; ad viri deliramenta subridens; & postridie dedit mihi chartam, cujus pariculum tibi mitto. Eo itaque, mi Baluzi, vtere; &, si placet, vel vitæ historiæ, vel operi de Concordia insere. Plura de tanto viro scriberem, quæ ex

150 FR. ROSQ. EPISC. MONSP. EPIST. &c.  
longa necessitudine mihi soli, ut reor,  
nota sunt: sed ea majoris orij sunt; &  
tuæ suauissimæ literæ me inter Natalis  
Domini solennia, tam in Missis, quàm  
in Concionibus ad populum adeo occu-  
patum deprehenderunt, ut vix ama-  
nuensi, quem probè cognoscis, in effi-  
giem amici nostri magis oculis inten-  
tus, quàm animo his dictandis attentus,  
hasce lineas dictare possim. Me ergo  
ama semper, & vale. Montispeffulani  
sexto Kalend. Ianuarij anno M. DC.  
LXII.




*Extrait du Priuilege du Roy.*

**L**E Roy par ses Lettres Patentes données à Paris le trentième jour de Decembre 1662. Signées, L E C O Q, & scellées du grand Seau de cire jaune, A permis au Sieur E S T I E N N E B A L V Z E, Chanoine de l'Eglise Metropolitaine de Reims, de faire imprimer par tel Imprimeur & Libraire qu'il voudra le Liure qu'il a composé, intitulé *De Vita Petri Marca Archiepiscopi Parisiensis*. Et deffenses sont faites à toutes personnes, de quelque qualité & condition qu'elles soient, d'imprimer, vendre, & debiter ledit Liure, durant le temps & espace de quinze années, sur peine aux contreuenans de confiscation des Exemplaires contrefaits, & de cinq cens liures d'amende; ainsi qu'il est plus au long porté par ledit Priuilege.

Et ledit Sieur B A L V Z E a cedé & transporté son Priuilege à F R A N Ç O I S M V G V E T, Imprimeur & Libraire ordinaire du Roy, pour jouir de tout le contenu en iceluy; ainsi qu'il est porté par l'accord fait entr'eux.

*Acheué d'imprimer pour la premiere fois le  
5. Ianuier 1663.*

Les Exemplaires ont esté fournis.









propter autem nulla est pro-  
a ha & ponunt fieri equi-  
am si proponatur vel post  
negatio

Pro 7  
notus est conuersio et  
sonado fit

est transmutatio inig est  
lis in alterum extremum  
i. totum terminum subiectum  
cum prediati et contrari  
et equis et nulli equis et le-  
notitia ad arte sylogistica  
et necessaria nam eius benefi-  
tium imperfecti ad perfectos

triplex simplex scilicet  
et contra oppositionem con-  
et conuersio simplex inie-  
tur transmutatio termino-  
tionis manente eade qualita-  
in veritate vel falsitate et  
in affirmatione vel negatione et  
et quantitate et ita conuer-  
is negativa et particula  
ina ut nullum visibile et latra-  
tribile est visibile quod mut

